

近代中國史料叢刊續編第八十三輯  
沈雲龍主編

沈

廬

詩

錄

甘鵬雲著

文海出版社

有限公司

印行

潛  
虛  
詩  
錄

六  
卷

辛未七月崇雅堂  
開雕壬申五月成

潛廬詩錄序

吾友藥樵學者也亦經世才也當二十年前專淬厲於學近二十年來則溺苦於詩豈所業頓殊哉二十年前世猶承平藥樵學蘄有用孜孜焉劬志於古今中外之故窮則仰屋有所造述達則出以闔澤吾民近二十年來海宇鼎沸身在濁亂之中神游治平之表耳目所接則被之詩以明其志而寫其無窮之悲時世之舒慘隆汙誠藥樵所不能自己者也吾謂藥樵若生當嘉道以前與當時樸學諸公相上下攬經繹史必有卓然不磨之述作卽不然通籍不遺衰晚循繩格以馳驅中外內則考典徵獻佐時宣猷外之猶能本其痼瘵民物之懷使一方咸被其澤不幸陵

谷遷變猶能出其餘緒葵財權賦以綜覈釐剔著效一時  
無如濁亂益深縱禍不知紀極斯時之藥樵溷迹不可緘  
默不能悲哀消搖江湖袖手舟車南北有所感觸一發於  
詩而其志猶是夢想承平之志而其聲則出以蒼涼澗越  
縣邈無窮於變雅則民勞六月之儔於變風則下泉式微  
之感也藥樵殆不自知其何以二十年中由從容蹈泳之  
天而變爲我生靡樂之境也藥樵爲文遵雅茂懿追蹤東  
京不入時賢流派卽其詩亦直抒胸臆無祧祖唐宋之見  
而據亂傷感類乎古聖賢發憤而作自成其爲藥樵之詩  
後之覽者因其聲以求其志可以想見其人然吾獨惜其  
置槩才於無用並奪其覃思著述之日力坐令終出於篇

章諷諭一途雖然此謂今日之藥樵也試一追溯二十年  
前掣經校秘天開目明精神所撰結具在其雅言高義猶  
堪與百年前承平諸公互證微尙卽其小試葵財權賦之  
績亦堪作方來軌轍吾知藥樵終不藉詩傳也而民生之  
疾苦宇宙之亂源憂非藥樵詩莫能傳之也藥樵乃學者  
也亦經世才也烏乎迫之使爲今日之詩者誰哉庚午秋  
七月羅田王葆心



潛廬詩錄序

昔孔子論詩興觀羣怨事父事君是知詩以道性情性情所蘊發爲孝友忠愛不徒在文字音節間也詩序云在心爲志發言爲詩先王以是成孝敬厚人倫美教化移風俗嗟乎詩之大義在是矣吾友甘君翼父治小學研經術人或謂其明習文事余則謂其善言性情蓋趨庭學詩之教也贈公靈庵先生丁國體遞嬗之交閔苛政哀流民悼神州之陸沉懼藩鎮之禍國中有感觸發摠忠愛一寄之於詩意者變風變雅之遺歟君學行紹自庭聞旣搜刻先集復自編刻潛廬詩錄用承家學性靈情韵詞意格調不名一家純任天籟何其馨欬相通耶夫希聲之原肇於天



地行於陰陽通於神明而著於倫常凡音之起由人心生所性而有感物而動發乎情止乎禮義故曰其敬心感者其聲直以廉其愛心感者其聲和以柔詩言志思無邪君子必慎所感也今觀君秋興漫興白雲謠鴉落巢及陽曲七歌得父病中手書感賦諸首天性鬱發瞻念庭闈有四牡鴉羽陟岵蓼莪之意可不謂孝思乎然而君乙丑以前詩猶多治世之音丙寅以後詩乃多亂離之音者何耶嘗謂治亂循環繫乎是非之一心治則是非存乎上亂則是非存乎下卽以毛詩言之風雅盛時朝有禮樂政刑野有沐浴詠歌是非固得其正矣若乃平桓以降憂傷並作或據事不諱憤時嫉俗或大聲疾呼流涕太息是非猶未盡

泯也惟夫曹檜之終政亂民流思深而懼或不欲明言微辭隱諷或不敢正論主文譎諫是非之心或幾乎息矣觀君汀泗橋感賦書憤紀事及雜詩七首秋日雜感諸作至情激烈愴懷軍國有民勞板蕩匪風下泉之思不可謂非憂國憂民也其他覽物卽景感舊懷人之什殆性情之所積而流者乎且夫詩亡然後春秋作古詩衰然後今詩興今詩爲古詩之流派異源同而歸本於性情所以維王迹明人倫也家父凡伯之徒雖於國無濟而聞風興感尙可正人心而厚風俗君痛干戈之相尋憫生靈之塗炭民情風教三致意焉雖世變月異日新而天理人心不容遽泯當有讀君詩而愴然興感者杜少陵蘇子瞻皆拳拳於忠

君愛國後人讀其詩可以知其世得其心而杜子宗武蘇子過均能詩亦附以傳誠繼述有人哉今余於先君詩不克刊行於離亂之餘竊自慙已君早得花隱老人之傳淵源所漸世濟其美此予序君之詩不禁歎遭時之不幸而繼以無窮之悲也辛未仲冬同學弟沔陽楊介康遜安序

潛廬詩錄題詞

趨庭不憚學詩難晚歲哀然獲大觀環堵嘯歌出金石老  
成文字自波瀾山容遠遠交空翠火候温温養內丹自別  
南岡老松樹謂尊甫雨亭老友又從空谷見幽蘭丁卯重九後一  
日八十二翁增祥

涪翁稱陳履常讀書如禹治水知天下之脈絡有開有塞  
至於九川滌源四海會同者也平生雅愛此語今以移贈  
潛江甘君藥樵藥樵之學稟自庭聞其尊公長於樊山老  
人六歲而爲樊山高第弟子相從最久於學問途徑古人  
勝處皆耳熟心得藥樵守之無失又從而張大之蓋其窮  
深極微不懈而及於古可謂力破餘地者矣今歲以所作

潛廬詩錄見示余方病渴數月之力讀之始卒業其興象  
風骨駸駸乎殷璠之稱盛唐也而用力於老杜尤深其家  
法國故官箴與其立身行事具見於行墨中非猶夫流連  
風景者之所爲也藥樵謙而又謙謂於余有私淑之誼余  
何以有加於藥樵哉但開卷時而馬雲門屈厚子諸君皆  
有斐然之思盛年徂謝化爲異物訪舊驚呼爲之心怛世  
事茫茫未知所屆藥樵新自武昌來所見聞有足駭異者  
悲憫之懷見於豪素使人憤慨不能以已丁卯六月十三  
日竹勿生敬題時年八十有一

大箸詞意格律俱臻元妙稱心而出與時相宣可備一代  
詩史其體雖近於宋而源實出於唐足與樊周諸老分席

循諷數過景佩無已丙寅十月弟頌萬拜讀於漢上  
時論尊三老名家復幾人芙蓉去彫績冰雪見精神詩法  
庭聞日書林耄學身韞光和璞貴俯拾肯求鄰戊辰仲春  
愚弟哲明敬題

不彫斲以完其真不續飾以存其朴蓋非風雲月露之詞  
而布帛菽粟之指也嘗病夫時所爲詩繡錦作堆絢素爲  
綵麗則麗矣如靡何刻玉爲楮折篠名驂新則新矣如詭  
何靡傷雅詭乖正僞體成風詩道所以日敝也大著不徇  
乎今故寢進乎古風雅其未遠乎戊辰春二月愚弟哲明  
再識



潛廬詩錄總目

卷之一

甲午迄辛亥存詩六十八首

卷之二

丙辰迄辛酉存詩百二十五首附三首

卷之三

壬戌迄乙丑存詩四十五首附二首

卷之四

丙寅存詩百三十五首

卷之五

丁卯存詩六十三首附三首



卷之六

戊辰還庚午存詩六十三首

潛廬詩錄卷一

潛江甘鵬雲藥樵著

甲午迄辛亥存詩六十八首

秋興 甲午

涼飈動高樹觸我空堂響蟲吟四壁靜蕭然絕塵想歲月  
復幾時轉瞬成疇曩天運有乘除寒暑互來往起視夜何  
其明月照虛幌

我有數晦宅乃在潛水陽客舍踟終年田園日以荒事親  
缺甘饌念此悽中腸白頭倚門閭遊子天一方何當復歸  
去息影城南莊

滄海有大蜃噓氣青雲端化作彌天霧搏風晝漫漫塵霾

漲昏曠平陸成驚湍行人仰脅息對此空長歎白日匿光彩何處是長安

秋淨天無雲列宿森寒芒盈盈霄漢間閃閃走天狼銀河  
倏明滅箕口獨哆張嗟哉羣陰盛明月黯無光安得曉日  
出曙色開扶桑

別馬雲門

慶龍

未能長會合握手各悽然今夕一尊酒明朝江上船星霜  
悲逝水文字誤華顛共有平生志相期保歲年

秋懷

木落風送秋白雲莽蕭索矯首望八荒天宇何寥廓浮嵐  
晦層巘商飈振林薄黯黯月窺軒茫茫霧沈閣清光照虛

牖疏鐙暖空幕對此不能寐濁酒且斟酌顏回困陋巷仲  
蔚偃蓬蒿豈不誠苦辛人生各有託晷運倏變遷金石終  
雕削歲月駒過隙世事風掃蕩各保歲寒姿無爲塵纓縛  
抱此耿耿心古人不可作

渚宮

峩峩江陵郭漠漠渚宮秋不見楚王殿大江日夜流江流  
不復回輦路爲蒼苔歌喉長寂寞雲物空徘徊徘徊綠楊  
渡青條變枯樹芳草自年年不逐君王去風捲大江潮巫  
陽不可招羅綺今何處白雲莽蕭蕭

謝人餽烏薪

朔風吹雨作冰屑雪壓枯藤凍將折蓬廬高臥不知寒四

壁無聲衾如鐵忽聞剝啄聲到門凍雀  
薪炭到茅屋須臾頓教寒谷溫自慚懶  
補竟何益眼中多少號寒者感君纏綿

夢題駿馬圖

戊戌

冀北有神駿顧影自徘徊孫陽不可作  
不足惜所嗟等驚駘騏驎服鹽車千載  
南歸

浮雲鬱不開曉日隱塵埃滄海蜃成市  
盛射虎吾道莽蒿萊爲愛鱸魚膾蓬茅  
登東山寺樓

形便夷陵成蕭條楚客才亂峯排地出

山河壯荒城鼓角哀雄心銷未盡日暮獨登臺

宜昌雜詩

野色澹平川人行亂石間松風一披拂落葉滿空山

山行

孤墟明夕陽溪流帶叢薄林鳥寂無聲山花自開落

卽日

山僧厓作屋松徑幽通幽鎮日無人到門前溪水流

三遊洞

倦臥溪山雲松風滿林壑一枕清夢回坐聽巖瀑落

宿石門洞

臥雲樓

疏星明復滅三五挂林樾蕭蕭一客舟滿載寒江月

江月

關沮口

歸舟小於葉晚泊關沮口蒼茫問霸圖古渡餘衰柳

長湖夜泊

朝發便河橋暮至長湖曲孤舟雨一簑涼夜蘆花宿

白雲謠 庚子

登彼荆山白雲西飛父母思兒兒胡不歸不見兒歸父母

心悲夢寧蓮子療兒飢父母之心兒知之

過河謠

過河過河狂風揚波欲濟無柁謠詠孔多謠詠孔多世途

險巖將奈何

雜詩

江海多風波一葦不可杭荆榛藟周道崎嶇不可將含沙

有鬼蜮當路有豺狼側身天地間四顧何茫茫舉足皆危

途胡為志四方何如歸去來戮力勤耕桑

舟中絕句

烏啼月落五更鐘  
客夢淒清酒正濃  
嗟嗟荒雞催不起  
臥聽疏雨打孤篷

落日

辛丑

落日楚江頭  
悲笳赴客愁  
風塵雙短鬢  
湖海一孤舟  
好夢隨流水  
浮生老破裘  
欲歸歸未得  
惻惻望神州

夜行獅腦砦至紫檀河宿山家

孤煙起林表  
蒼然補山罅  
疏星倏明滅  
莫辨山中路  
山石苦礮礮  
行徑屢歧誤  
隔溪值林叟  
問我來何處  
勸我勿夜行  
夜行多霜露  
拉我橋頭飲  
歡言若親故  
三杯醉兀兀  
陶然忘世慮  
夜半驚夢回  
月上溪南樹



野徑

野徑行人稀蒼煙散林薄蓬茅四五家  
獨自成村落

芒屨

芒屨踏山石崎嶇不可步斜徑西復東  
沈沈墮煙霧隨山將百轉欲前屢迴顧  
勸君慎行旅深山多歧路

老樹

窮山有老樹更時閱唐宋蟠曲蟠蒼虬  
鱗角森欲動古根抱奇石奮怒出山縫  
其大蔽百牛不見天宇空大廈將傾頽  
匠石覓梁棟此物胡見棄不可繩墨中  
旨哉莊叟言善藏無用用龜以靈故焦  
石以文故礪龔生天天年徒爲老父慟  
頽然臥巾車欲言誰與共孤鴻時一聲  
驚破寥天夢

松下

年來不逐海門潮  
自分秋山伴寂寥  
賸有雄心銷未盡  
月明松下聽鶯啼

山夕

隔澗聞樵斧  
人家在何處  
曙色正蒼然  
模糊認雲樹

過岐亭

寒煙漠漠柳青青  
茅屋荒雞隔竹聽  
吟徧九螺山下路  
一鞭殘照過岐亭

沙河早發

青山青史兩蹉跎

舊句

浪迹風塵客感多  
一片女王城外月

照人殘夢渡沙河

辛丑二月二日天雨沙感賦呈梁西園先生

山城二月黃沙飛毒霧彌漫天四圍瑟瑟橫風撼庭樹蕭蕭凍雨搖窗扉陰雲匝地日無色飢鳥窺簾人未歸夜半城頭墮清角欲話滄桑誰是非

客中逢屈厚子

與君三載別今夕一相逢共醉花間月驚看亂後容雪霜催鬢髮京洛況兵戎無限神州恨悽其杯酒中

別麻城

白臬山光一線橫春風遙送馬蹄輕吟鞭回指雲開處萬樹桃花繞縣城

過黑沙洲

年來蹤跡總天涯  
贏得風霜滿鬢華  
差有家山舊風景  
黑沙洲畔看桃花

杜宇

杜宇聲聲喚奈何  
無端滄海又風波  
徒聞驕虜朝傳柝  
不見將軍夜枕戈  
上國衣冠淪左袵  
玉京宮闕泣銅駝  
艱危非必關時運  
自古庸臣誤國多

晚步

暝色上昏鴉  
遙村四望賒  
山雲逗微月  
岸火浴平沙  
水落橫塘靜  
人穿野徑斜  
滄桑俱不問  
獨自聽鳴蛙

黃沙行

辛丑二月九日天晝晦雨沙不止問山中老人則曰兵象

也作歌紀異

二月煙樹鬱青蒼  
浹旬不雨人皇皇  
遙山陡現陣雲黑  
倒擁村落籠斜陽  
村農荷鋤走相告  
庶降時雨民其康  
一霎狂飈捲地來  
非雨非雲沙飛揚  
浩蕩白日倏黯慘  
毒霧障天天昏黃  
大聲鏗訇作雷吼  
疑有靈怪鞭天狼  
山中老人更事多  
羣往從之卜禳祥  
答云羣陰方麗集  
倒抑陽和摧日光  
殺氣憑陵不可遏  
兵禍慘酷未渠央  
我聞此語心旁皇  
紅羊浩劫胡可常  
去年北方苦爭戰  
死者已矣生流亡  
神京不守乘輿出  
剝割官吏如割羊  
西南雖云稍安堵  
赤地千里無餘糧  
況復大吏籌軍儲  
市估津稅百其方  
富困誅求貧無鄉  
可堪烽火重摧傷  
書生局促苦無策  
念此不

覺懷中腸安得曉日開扶桑赫赫炎精照入荒羣邪相顧  
驚遁藏坐令四海如虞唐

紀夢

昨宵一戰復神州奏凱歸來盡列侯可恨枝頭百舌鳥驚  
人殘夢渡蘆溝

沙河聽松風

豺虎縱橫走都邑神龍偃蹇困蓬蒿寒松本是無情物猶  
挾西風作怒濤

過屈氏別業

高隱傍沙河山中幽興多故人相別久風雨一來過歎息  
時方亂驚看鬢已皤此間林壑美且得慰蹉跎

煙水茫茫綠斜陽木末亭浮嵐栖斷磻空翠逗疏櫺古巷  
樹巢屋春風花作屏牆西更幽絕幾點亂峯青

四望遙天碧時艱且莫哀煙籠平野合樹擁遠山來烽火  
身將老塵氛鬱不開林栖真得計遲日共登臺

干戈仍未息到此信堪留人靜鳥聲碎雲移花影流臨軒  
塘半畝繞屋樹千頭安得捐塵網經年結伴遊

水口寺看杜鵑花

花有紅白二種

年年幽恨滿天涯也共春風逐歲華同是一般桃杏色無  
人知是斷腸花

故國傷心血淚乾孤根瘦立五更寒深情萬種無人識祇  
作梨雲夢裏看

麻城李氏書堂

小築子雲亭真堪老一經書藏大小西座列東西銘留月  
簾常捲邀雲戶不扃開門更幽絕遙對龜峯青

屈氏園林題壁

主人愛邱樊誅茅沙河曲深藏月下門小築花間屋牆低  
山作屏藤古陰成幄林鳥弄春曉微雨漲寒綠池中尺半  
魚亭畔兩三竹松蟠龍有鱗樹老石穿腹不用倪黃筆天  
然畫一幅胸中富邱壑之子固絕俗我本淡蕩人愧爲風  
塵逐策蹇一來遊秀野驚凡目主人前致詞聊以娛幽獨  
哀哉天方醉厄運丁百六彼蒼旣夢夢餘子終碌碌旅燕  
巢危幕蝸角鬪蠻觸念此心慘惻悲來不能續雖復買山



隱偷閑寧我欲整襟聽君言增我淚千斛努力康時艱茲  
責在當軸吾輩何足道泚若太倉粟躬耕率妻子無妨老  
山谷是非兩茫茫且醉甕頭醪

示屈厚子

知君心迹久蓬蒿猶有神州恨未銷一語勸君君記取秋  
鐙慎勿續離騷

鴉落巢

昨夜山頭狂風起吹墮危巢雛入水老鴉繞樹呼不止悲  
聲惻惻動隣里吁嗟乎父母戀兒乃如此兒胡終年在羈  
旅睠此微禽泣下如雨

青山石樓題壁

一騎衝寒綠乘興尋幽賞怪石何截嶮孤煙紛莽蒼詰曲  
路百盤十步九下上峭折蟻旋磨瞽騰魚觸網鐵筆劃天  
開儼擘巨靈掌飛動勢欲壓掉栗不敢仰豈獨馬蹶蹄亦  
使車折鞅振衣石樓顛蕭然發遐想仄徑雖險巖蛇行力  
可剪所嗟人心幻羊腸萬千丈念此愀不樂寒月墮林莽  
題畫

滄海風波惡乾坤戰伐勞山中無箇事拄杖聽松濤  
扁舟何處去滄灣三十六欲往從之游煙水茫茫綠

送李蘅湘學博錫珩返粵

送子羊城去蕭蕭落木秋西風吹五兩幾日到炎洲訪古  
銅船渡懷人鐵漢棋新詩定盈篋好寄楚江頭

阻雨

陰雲凝不散，彌望水漫漫。  
冷雨壓天黑，滄江增暮寒。  
壯心嗟伏櫪，髀肉老征鞍。  
滿目紛榛莽，悲歌行路難。

東游

丙午

由來吾道在滄洲，海上三山信可求。  
我欲遠尋君子國，無妨乘興作東游。

曙樓看梅

丁未

破曉尋幽路，幾叉曙樓西。  
畔問梅花，花時不肯匆匆過。  
倚柱閒吟，到日斜。

游源村

戊申

與客同尋水竹村，窮山猶有古風存。  
野老不知人事改，年

年耕稼長雞豚

斗大山村恥面牆村塾宛在村中央一村村童三百六日  
日挾書上講堂

西望

側身天地一寓公三載栖遲滄海東試上嵐山望鄉國長  
崎西去雨濛濛

西歸畱別源村村長山本八三郎

蒼茫六合煙塵昏遠別仙鄉欲斷魂此去關山多雨雪何  
年再訪武陵源

將之黑龍江別京師舊游

己酉

藁首燕臺今幾秋西風吹我到邊州故人無用傷離別萬

里龍江是壯游

客黑龍江答京師友人問近狀

庚戌

遠道勞君問起居窮荒萬里足清娛無煩仰屋嗟邦計

江龍

歲入僅九十萬兩經此時復挑鐙校界圖冰雪山中尋石

友秋風江上訪藏書相從喜有二三子地僻不憂吾道孤

雪中與劉心齋趙伯威周退舟圍爐話舊

龍江八月雪花飛圍坐傳觴晝掩扉二十年來無此樂莫

嫌萬里故人稀

登龍江藏書樓

三年捧檄海東頭腸斷龍沙萬里游江畔有書容我讀無

妨流落在邊州

嫩江上有藏書樓中丞周公所築邊省之有書藏始此

紀中俄議界事 辛亥

中俄劃界議重開天門中丞按轡來怒髮力爭滿洲里折

衝樽俎要邊才 宣統辛亥中中俄議界約俄人索滿洲里周中丞力拒之得寢

達爾巴干分國界中丞堅執判湖山片言折得強鄰角誰

請儒生願力辱 據界約額爾古納河上游以韃爾巴干大

在俄境一為山在中國境俄人指在中國境者為界中丞則堅以在俄境者為界俄人不能難也

守邊自是邊臣職不懾威稜不唯阿若使曲從樞府意臚

濱今已屬強俄 樞府意不欲堅執中丞語人曰滿洲里為

國莫不知者欲使我拱手讓人耶堅持如故

潛廬詩錄卷一終

邑後學高倬漢校錄

潛廬詩錄卷二

潛江甘鵬雲藥樵著

丙辰迄辛酉存詩百二十五首附三首

太原重九冰圍雅集次譚芝耘韻

丙辰

重陽風雨奈秋何  
喜得冰圍載酒過  
四海驚濤悲浩劫  
一腔孤憤託商歌  
自嗟垂老狂談減  
不覺哀時涕淚多  
此會明年更何處  
飛觴莫惜醉顏酡

原作

譚啟瑞芝耘

觸忤閒愁定若何  
重陽偏向客中過  
驚心萬國皆戎馬  
喜對羣公一嘯歌  
冽石天寒龍氣隱  
汾河秋老雁聲多  
年年此會人長健  
莫損朱顏醉後酡



大同喜遇孔雯掀中將

庚申

斗絕雲中古戰場英雄坐老鬢毛蒼故人相見無多語回

首神州泣數行

平生壯志託悲笳坐對邊城日影斜熱血滿腔無處灑勞

君鎮日讀南華

雯掀近讀莊子

遊晉祠

叔虞祠下蒼松古懸寶山前碧玉流拔地參天清澈底無

妨長作晉中游

泚泚泉猶字難老青青蘋亦號長生省親倘遂南歸願願

載嘉名入郢城

哀鴻

聽到哀鴻淚點多不堪西望向干戈平生學得屠龍技無  
補生靈可奈何

輓蔡松坡將軍

魯連恥帝秦願蹈東海死翟義起孤軍莽魄爲之褫昔賢  
去已遠英光照青史勸進爾何人母乃穎有泚項城欲稱  
帝羣帥從風靡卓哉蔡將軍獨力相抗抵智計脫虞羅異  
軍歛特起恢復舊山河專制瀾爲弭功成身不居棄官如  
脫屣養疴滄海東超然黃鵠舉國步正艱難飄搖甚風雨  
薄海望太平期君病早起梁木俄摧積吾民復何倚樹國  
賴有人人亡國悴矣胡爲奪君遠問天天不語

壽陳子宣先生

哲侯廡長  
之尊人

先生古君子守一不改轍澹然絕世慮閉門嚼冰檠獨抱  
歲寒心不肯因人熱平生最好遊飽看西湖月今年到并  
門摩挲漢唐碣容我拜牀下岸然貌似鐵胸次浩無涯欲  
語旋復默風雲正變幻世事焉可說乃知無言學度越流  
輩百小詩爲公壽詞句愧質拙所見一蠡耳大海不可測  
滯留陽曲作歌七首

丁巳

我有老父在潛陽五年不見我心傷夜不能寐病在牀遊  
子聞之心徬徨朝夕望兒歸故鄉胡爲羈滯天一方嗚乎  
一歌兮歌聲長何時旋歸侍高堂

我有老母年八十白髮勤劬謀家室課兒詩書女蠶織歲  
晚猶自理刀尺前年燕中復晉中今年南歸又匆匆歸時

別淚滿懷抱勸兒抽身須及早越鳥猶思巢南枝况復父母雙篤老嗚乎二歌兮歌轉悲歸心遙逐雁南飛

吾祖世居潛水陽邱墓乃在城南莊山林松柏鬱蒼蒼頻年作客半摧傷世習詩書勤耕桑先人遺澤殊未央飲流思源何可忘忍令先隴久荒涼嗚乎三歌兮歌如訴胡不遄歸守邱墓

有兒有兒愚且魯不能學書但學賈大兒遠客湘之滸籌謀生計十失五次兒日與病魔伍遠道求醫離鄉土丈夫終不計門戶奔走風塵胡自苦嗚乎四歌兮歌酸楚曷歸乎來守環堵

有客有客號耐公憔悴江湖一秃翁萬里游學滄海東三

年龍沙醉春風橐筆雞林賦飛蓬匹馬邊關射塞鴻辛苦  
輪蹄無定踪汗漫遠遊徒匆匆嗚乎五歌兮歌未終何不  
歸種荆山松

潛江城西馬滄湖煙水茫茫飛白鳧漁舟三五入菰蒲楊  
柳青青似畫圖窮邊有此風景無久客不歸無乃愚嗚乎  
六歌兮歌未已吾將持竿釣潛水

世途險巇可奈何四無行人豺虎多噓吸腥風走蛟鼉鬼  
蜮含沙紛遮羅東西南北無可往莽莽平陸成江河嗚乎  
七歌兮淚滂沱世途險巇可奈何

得家君病中手書感賦

不見慈親面於今已五年容顏定衰老疾疢況沈綿遠宦

終非計音聞恐浪傳故山歸去好潛上有荒田

漫興

奔走風塵吾劬矣縱橫豺虎欲何之遠游不若歸田好腸

斷高堂七字詩

家君病中寄詩有宦海浮沈緣底事挂冠神武好歸來之句讀之不覺淚下也

人閱不信有貪泉獨抱冰心已廿年措大本來無一物歸山何必買山錢

冰園詩陳哲侯屬題

陳子淡蕩人性本耐寒冷清操勵冰雪人門疏造請築堂  
號冰心懷抱寄孤迥屋後鑿方塘明月照清影疊山如畫  
屏蕭然遠塵境平生二三子頗復事幽屏到此輒畱連清  
談忘夜永倡和有新詩哀然可傳本我詩久不成疏懶可

笑晒所喜臭味同風趨不異軫夏蟲彼何知逐炎徒蠢蠢  
冰園卽事

西風迢遞雁行高客裏逢秋歸路遙欲上東亭望鄉國冰  
心堂外雨瀟瀟

文瀛湖樓雨夜

湖邊漁火兩三點湖上垂楊八九株月黑天陰人不見憑  
欄四望雨模糊

歸途口占

韓嶺崎嶇不可行罷官歸去一身輕邯鄲無夢驅車過載  
得清風入禁城

壽宋鐵某都督 己未

立馬興安巖蒼蒼橫北戎浩淼龍江流一線劃中外強鄰  
肆豨突闖然侵國界邊吏不枝梧固圉將誰賴嶽嶽宋都  
護謀國如蒼蔡力爭返侵地遂使成約廢朝廷求邊才如  
君乃無輩胡徇敵所求而令潔身退古人有遺言桀犬吠  
所怪伊誰棄國成坐使長城壞六載客京雒詩酒寄曠快  
不惜身將老其如國已痍今年君六十攜尊作歡會頌禱  
吾不能賦詩寓遙唱

次韻和易无庵京寓感懷

如水年華逝不醫飄零王粲怕登樓天邊鴻雁難爲別客  
裏風花易惹愁但抱殘編慰幽獨更無好夢到神州文章  
拄腹終何補拚着浮生老破裘



原作

易順豫 无庵

餘生京國許淹留未定興亡怕倚樓  
易水長年惟送客  
西山從古不知愁便逃溝壑真千幸  
或有文章到九州  
一夕早寒驚漸老酒邊無雪已重裘

次韻和趙伯威病中生日感懷

庚申

又到天陰月落時知君憂國鬢成絲  
山中霧隱誰能識海上雲生便自奇  
叢菊經霜留晚節寒梅壓雪有春枝  
沈霾豈遽成終古且莫哀吟續楚辭  
何須辛苦恨芳時一任霜華點鬢絲  
天果有情終不老雲如出岫便能奇  
休嫌冰雪侵骨會見梅花春滿枝  
留得閑身閱柔海相逢樽酒且毋辭

原作

趙儼歲伯威

急景催人又此時一年容易鬢成絲  
閣中白日堂堂過  
夢裏青山疊疊奇  
挂腹但添書萬卷  
懺心難罄竹千枝  
病餘無限蕭騷意  
寫作靈均攬揆辭

中央公園水榭宴集文鐵某韻

覓得園林邀石友  
心情不惜與時乖  
故人攜手狂猶昔  
水閣談詩興轉佳  
濁酒同斟銷歲月  
長空何日掃煙霾  
蘭亭高會神州恨  
孤負風雲入壯懷

歸途卽事

年年奔走遍天涯  
萬里歸來鬢欲華  
畢竟故鄉風味好  
逢人便自問桑麻

息園雅集呈同社諸老

少小志四方飄然隨塵網久與親故疏田園勞夢想策蹇  
偶歸來心目頓開朗荒園不改舊湖水平如掌塵中皆老  
蒼詩酒寄曠爽領鬢欲雪白幽尚託菰蔣不問滄海枯但  
道桑麻長清言竟曩夕勸醉傾家釀里居樂有餘出門長  
惘惘安得賦歸田披茅共遷往

長夜

細雨霏微月掩明寥天萬籟寂無聲漫漫長夜何時旦坐  
待寒雞報五更

偕張友笙

詩俊

游法雲社

廿載重來古木秋夕陽西下水東流故人惟有張居士愁

絕僧房話舊游

殘照西風冬氣昏  
枯荷衰柳簇煙村  
鐘魚粥鼓都零落  
祇有寒鴉噪寺門

庭下植梧桐二株題詩示兒輩

手植梧桐纔兩株  
堂楣便擬榜雙梧  
王氏三槐陶五柳  
家風得似古人無

友笙六十生日頗以躑躅自慨詩以廣之

張侯大雅姿制行  
頗不苟坦率無他腸  
真氣驚戶牖胸中  
富邱壑翛然絕塵垢  
書畫有家法雲煙供  
趨走草隸完白翁  
畫蘭矩亭叟梅石尤  
超絕孤峭出怪醜  
訪碑窮礪壑好古及  
尊卣作詩寄幽興  
錯落燦珠斗故是千  
載人所嗟時

不偶祇今年六十白髮老陵藪黃鐘寂無聲殷殷雷鳴缶  
有道長賤貧伊優印懸肘天道本難測況復丁陽九志士  
誠苦辛榮名在身後富貴雖云樂至竟亦何有柔弱生之  
徒無妨道法白小人喜躁進君子貴退守與君金石交許  
我同門友質言無飾詞爲君千萬壽世事安可知且復話  
尊酒

息園

園林小築息征塵準備蠶耕老此身祇恐偷閒未得蒼  
天阨我作勞人

退省庵

坐我牆東退省庵掃除文字似瞿曇觀心卽是安心法心

到安時夢亦酣

大樂庵弔段天門處士

欲訪城東處士村可憐遺冢沒苔痕詩卷飄零何處覓祇

今痛哭段天門

處士名陟雲字郇五有高行工詩隱居東郭不求聞達王黃湄給事朱高安相國先

後宰潛均重其爲人與結布衣交其詩善寫災黎疾苦之狀不減杜陵三原孫豹人采風至潛雅推重之贈詩有樂

府古詩何奇崛讀罷爲爾聲暗吞之句著有天門丈人詩集四卷文集一卷予家舊藏有槧本擬爲重雕徧覓不獲

輒惘惘如有所失也遺冢在北郭大樂庵旁縣尹吳公元弑鄉老萬公錕先後爲立墓碑今均亡矣

山中

羣盜縱橫據上都山中消息近何如四無人跡多豺虎竟

日關門讀道書

張港懷謝虎文

炳樸

辜負故人一紙書  
嵩陽慘禍竟何如  
燕臺一別成終古  
怕過黃公舊酒壚  
虎文有至性能文章遇事持正不詭隨子甚重之宰河南嵩縣廉得駐軍通匪狀發其事叛兵大恨羣擁入縣署戕之被害前數日曾以書寄我尙未覆也

### 柏臺訪朱石泉遺稿

東浦詩名滿漢東  
傷心殘刻付秋風  
每逢故老殷勤問  
可

有遺書出壁中

石泉爲漁洋入室弟子所著東浦詩鈔漁洋牧仲竹垞諸先生均有序其板片燬於

粵匪之亂流傳絕稀

故是承明著作才  
空餘荒冢沒蒿萊  
遺文零落風流盡  
枉費搜尋到柏臺

### 寄鄒樸卿

炳麟

### 山居

聞君宅龍尾僻遠角  
陵東邈與人羣  
隔倚然太古風  
耕田

供歲事沽酒話鄰翁我欲從君去雲山深萬重

貧女

記得兒家白板扉長途乞食不如歸豈知歸去貧猶昔但  
爲他人作嫁衣

敝廬

辛酉

先世潛陽有敝廬四圍喬木日扶疏家無長物貽孫子祇  
有牆東萬卷書

將廬對雪

門對寒流雪滿湖四無人跡千林枯老夫不解因人熱誰  
寫袁安臥雪圖

荒廬半畝榜雙梧門對寒流雪滿湖欲向天公乞閱散可



能容我老菰蘆

暫許歸尋退隱廬  
皮毛脫落見真吾  
故人若問幽棲處  
門對寒流雪滿湖

門對寒流雪滿山  
唐人句也將廬西  
對馬滄湖故以湖  
易山耳偶爾遊戲  
不可訓也識者得  
毋嗤其妄作乎

詞廬曉發圖爲汪藹士題

平生故有江南夢  
未到江南鬢已斑  
苦我飢餐遼海雪  
羨

君飽看浙西山

予生平蹤跡多在西北

長空誰與掃煙霾  
驀地愁雲鬱不開  
聞說富春山色好  
期

君同訪子陵臺

時大風

查煙賭痛苛暴也

潛民哀之一

禁煙拔民蠹禁賭塞盜窟奈何長民者藉以恣貪黷赫赫  
警察隊紛紛日尋逐肩荷後膛槍身着軍人服遮道苦搜  
索聲稱查禁物深夜入人家翻檢倒箱篋錢物逕攫取纍  
纍滿腰束小民不敢言妄冀罪可贖捉將官裏去拘囚因  
圍屋黯慘天無光無錢不得出寄書與妻子速賣園中粟  
粟盡罪難除鬻田補不足罪免室已空科罰何太酷小民  
愚無知撫字賴司牧胡不謀教養而但事敲扑谿壑苦難  
盈哀哉民命感父母之謂何吾爲蒼生哭

寄楊劭菴

介庚  
河陽

與君不相見倏忽三十年日月逝駸駸有如箭離弦憶昔  
歲戊子相逢鶴樓巔我慕君勁直君恕我狂顛相視兩莫

逆不知所由然菱湖夜深語驩喜忘食眠我苦不知學賴  
君相磨礪我質漸驚鈍勞君作策鞭講院盛文雅同學多  
豪賢君才尤傑出鵬鷃盤秋天願我蝨其中藐爾若蝟蠅  
君獨不我棄忘形與周旋規我無諧俗相期千載前聚散  
苦無常異地各山川君客鳳凰池我仍困青氈及君宦炎  
海我乃羈幽燕相去萬餘里欲見無繇緣海南得賢尹民  
力忘其辱善政口有碑輕裝囊無錢好爵非所戀倦飛鳥  
知還料理篋中書歸耕沔上田都中途介弟語我輒拳拳  
謂君愛邱壑恥居仕宦羶歸來不復出著書將老焉我聞  
三歎息羨君私自憐言歸未得歸乃爲世網纏天道不可  
測悲來涕漣漣何如隱里閭閉關學枯禪君今年六十身

健神能全我齒亦相若齒豁鬚髮斑乃知走風塵不如守  
故山何時得良聚拔我胸中管滄海正橫流作詩寄情捐  
兩湖書院廢作營房辛酉過之愴然有作

高牙大纛兀飛揚贊舍淪爲躍馬場學子莘莘都去盡不  
堪回首教忠堂

由來天道有平陂記否梁摧楚學祠舊日講廬今武帳豈

眞兵備法先師

南皮兩湖書院楹帖有云雖有文事必有武備法我先聖先師今以講院而作營房

論者以爲語讖先是甲午四月十日楚學祠中梁忽折論者謂爲楚學將衰之朕兆特戲言耳而今竟驗

寥落

說到蒼生感慨多眼前非復舊山河豺狼當道羣魔出寥  
落吾徒可奈何

過抱冰堂

南皮學派啓同光論治硜硜掃晦盲時正需公公不  
心怕過抱冰堂

書東塾讀書記後

論學務通漢宋郵但求有用不訂讐平生私淑陳東  
及升堂已白頭

壽張朗軒丈

瀚谿同年  
之尊人

先生狷者流抱一不改度鰥居五十年超然見真素  
事耕稼恥爲世網錮不羨身外榮頗得閑中趣有子  
賢文章擅時譽故是廊廟器矯首驥王路先生防未  
無滿盈懼仕宦焉可常手書誠馳騫前年到京華旋

之去借問何繇然徒以塵濁故舉世羶利祿萬流競蟻赴  
立腳隨俗轉終恐失故步所以古君子惕然多遠慮不肯  
逐時趨但知勤本務作詩爲公壽聊用志欣慕質詞愧不  
文達人或我恕

書所見

風馳電逐起塵埃車馬紛紛日往來禾麥已枯天不雨可  
憐滿地雁聲哀

過頤和園

寂寂宮門鎖暮煙昆明池水故依然廿年不到排雲殿惟

悴微臣雪滿顛

癸卯引見排雲殿  
距今十九年矣

次韻哈靈壽六十自壽詩兼以寄懷

不堪回首少年時  
忽忽秋霜點鬢絲  
夢夢蒼天胡可問  
茫茫塵海竟安之  
重逢應訝今非昔  
覓句猶能老不衰  
欲共故人話尊酒  
未知何日是歸期

日暮無途可問津  
滄桑閱盡賸吟身  
差同遺老杜蒼略  
頗似詩人張白菴  
把臂新亭無可泣  
相逢舊雨或能親  
酬君祇作家常話  
翻恐時賢笑我真

弔梁文忠師

蝸廬十載一孤鐙  
冰雪詩篇字有棱  
滄海已枯清淚盡  
猶

留孤冢傍西陵

公守陵種樹殆將十年所居室榜曰種樹廬所謂老臣家在慕陵東者也公臨卒遺

命葬陵傍

不作文人不愛錢  
先生風節薄雲天  
而今冷落葵霜閣  
後

死伊誰續火傳

書大隱樓集後

受降索叛叛人誅三策安邊邊禍紓陵谷變遷遺老盡邊  
氓猶自說金湖

荒城覓句半邊聲歷下婁江許抗衡譚甄如何少題品將  
母勳業掩詩名

昔年奔走飛狐道與客同登瞭馬臺太息金湖今不作蒼  
茫何處問邊才

讀大隱樓集有感張江陵熊襄愍事偶賦二絕

嘉魚邊功人所稱功成乃非獨力能青史論功誰第一發

蹤指示是江陵

觀張方往來函牘可見明史亦謂江陵之功不可沒乃公論也



東邊頗憚熊經畧可歎中朝刑政無若使江陵持國是邊

功應不讓金湖

襄愍威望氣魄不讓金湖適丁魏闖亂政又值本兵張鶴鳴左袒王化貞以故無成

功且不免於禍

沈潤乾之母壽詩

東陽有賢母乃家巾水畔教子事詩書雞鳴輒戒且辛勤

作門楣種德日浸灌憫災或發廩惠窮乃折券女師今郝

鍾賢聲滿江漢我與令子遊沆瀣頗無悶從容述家世夜

深語忘勸謂母仁且慈謂母聚能散時得母手書殷勤戒

弛慢相期志遠大力戒酣芻豢藥言出閨闈我聞再三歎

江源發岷山灌注天下半歐蘇賴母教遂作國禎幹母賢

子必聞水清石自見安得采風者為續中壘傳燕南做壽

筵瓊章爛璀璨賤子愧不才  
巴謠豈足獻枯腸苦爬搜聊  
博一笑粲

張海若用穎拓法手撫樊山手蹟爲題二絕

樊山老宿魯靈光繼起觥觥數二張  
楚學相承有家法但論文字亦堂堂

海若新傳穎拓法鈎摹秦漢六朝文  
文人餘事關文獻畱備他年續舊聞

萬太君六十生日筱雲仲粵昆仲折簡徵詩  
通家之誼難已於言書二百五十字奉寄

我初入京師雲公作先導介然厲清操  
不肯逐時好老輩有古風學之安可到  
時共二仲遊深談到闌奧何意京塵

中神交得二妙太君尤仁厚頗有女師號宅眷時相過往  
還不待約兩家小兒女會面輒歡笑歡笑不可常聚散良  
難料賤子客龍沙雪鬢老冰窖雲公遭世變棄官理歸櫂  
及我還都門所邁半年少仲也宦濟南伯也如淇澳尋公  
公不作孤另將誰告太君幸歸然婺女星長隰持家不辭  
勞佞佛乃忘髦明湖好風月板輿恣游眺煙波畱畫本老  
筆定神肖山左富金石當復精警校況挾活人術刀圭精  
治療太君善畫知醫兼通金石之學藝成皆壽徵豈徒閩德劭昨日長鬚  
來賓筵荷嘉召朋舊獻新詩琳瑯工頌禱賤子苦才窮慚  
愧管窺豹質詞侑壽觴二仲定絕倒

荒田

荒田苦旱民無秋  
浹月淫霖四野愁  
老幼扶攜滿溝壑  
可憐辛苦稻梁謀

抱先通議公遺詩句  
樊山老人審定而亡之  
愴然有作

造物胡不仁奪我先公速  
抱道老不遇賦命何窮蹙  
買醉一錢無著書干管  
秃述古補叢鈔紀聞勤  
掌錄但下蠶生唯不問  
君平卜細和淵明詩頗  
效唐衢哭歲月擲如梭  
稿草動盈簏蟻穴潰金隄  
奔流鬻我屋楹書蕩無  
存文運丁百六嗟予遠  
行役風塵日奔逐親舍  
久睽違父書慙未讀  
潛沓覓遺稿殷勤問邦  
族散軼不可尋纔得詩  
一束窺豹既非全編年  
苦不屬所幸平生懷賴  
此得彷彿樊山今詩  
伯高樹詞壇燾講學傳  
經堂淵源尙可述

老人主濬江傳  
經書院講席時

先公曾相從問業老人贈詩有甘生好讀書  
萬事坐捐棄長我幾六齡相從問奇字之句  
慨然許加墨  
銜感真次骨惟恐長者勞不敢相迫促塵篋已經年索之  
乃無物得公書數行增我淚千斛副墨恨未畱遺書竟空  
積文章但鱗爪詎干世所觸薪除俾無餘天平何太酷先  
澤守未能夢魂亦慚慙彌天罪難追百身其奚贖顯晦固  
有時潛流豈終伏象罔如可求殘編儻復出

辛酉中秋對月風雨大作口占一絕

豈是天公弄狡獪不教明月照長空如何大地山河影都  
付空濛煙雨中

寄羅田王文伯隱君

季薌之伯兄

憶昔菱湖開講院與君昆季始識面伯也磊落季多聞翦

燭狂談輒至旦人生會合眞無常南北相望各分散我逐  
塞鴻客遠海君甘嘉邈老鄉縣爾時朝野望太平河海猶  
堪頌清宴豈料別來三十年蒼狗白衣瞬千變莽莽平陸  
成江河哀哀下民苦昏墊世事茫茫不可說羨君早遂滄  
洲願都門喜其季子遊晨夕過從語忘勸祇惜與君隔湖  
海欲覓無由空長歎微聞觸龍新病足差幸廉頗尙能飯  
同學少年半宿草端甫叔獻諸子厚喜君白頭猶強健坐  
閱春光七十年滿眼豪華總夢幻作詩壽君君毋嗟富貴  
何如長貧賤

追憶詩五十首

予行年六十矣學問事業兩無所成追憶生平多可隱者

作追憶詩五十首諗我友朋俾知予終身在憂勤惕厲中

云爾

青山青史兩蹉跎舊句贏得秋霜滿鬢皤六十年來彈指過

可憐壯志總銷磨

垂老難忘童卯年時依慈母話鐙前從容話到兒時事俯

仰流波一慨然太夫人言雲兒時見破物輒手自整理凡童子一切戲具均非所好

慈母倉皇促兒起攜兒避難走沱淵兒時不識賊氛惡但

道中宵損睡眠同治甲子粵匪燒張港太夫人匆匆走沱淵避匿子日睡正酣夜半將何之但知

擾及清睡慈母將護之苦心則不知也時子纔三歲

聽得書聲喜不支六齡童子哭尋師禪房桐葉敷榮日是

我挾書上學時

先公道古竹方牀危坐旁聽喜欲狂聽到無聲仍請益不

知明月過西牆

童鼎時隨先公讀書三元閣夏夜納涼桐陰下輒為雲講說故事清景深情至今猶

歷歷如繪也

畱取蒼髯鬪歲寒兒時興趣已凋殘徒呼負負人空老回

首怡軒淚暗彈

同治癸酉先伯父畏庵公蘭若公與先公同坐怡軒觀皓月上人畫樵松圖雲亦

侍側指圖命雲作詩時方十二歲初學詩不能工也詩云

冬嶺孤松壓翠巒虬枝礫河薛痕斑勸君莫漫施斤斧畱

取蒼髯鬪歲寒先伯父閱之甚喜謂先公曰此兒晚節定

可觀今四十九年矣所謂晚節者竟安在也思之滋然

獨抱遺經伴寂寥青鐙有味夜迢迢寸陰不敢匆匆過負

得新知補日鈔

戊寅歲先公以求闕齋日記示我輒效為之子寫日記自此始

猛憶平生總角交春心如海復如潮可憐意氣銷磨盡千

里相思感二毛

里中總角交游惟張君友笙有針芥之投此余有友朋之始友笙性仗爽淡於榮利



晚自號懶叟有似古之逸士今則老矣

回首童年幼學時問途無自苦奔馳冥行賴有光明燭第

一南皮是導師壬午歲先公以南皮韜軒語書目答問示我始稍識問學塗轍

惡歲難忘壬癸年釜中無粟突無煙支持端賴慈親力鐙

影機聲佐誦絃壬癸年間歲大饑太夫人躬紡績佐日用毋令雲廢學

伴姑夜織有荆妻不覺中庭月影西糜粥半甌度荒歲可

憐無處覓鹽齏室人劉淑人伴太夫人夜織三更始就寢率以為常噉糜粥雜野菜充飢日不得一

飽

三旬九食古人風不患途窮患學窮頗憶兒時心力異從

容舉手謝羣公歲荒飢困求學不設族中長老閱之勸徒業救窮子曰諸公以為苦耶我則樂也謝

之厲學如故

可笑兒時意氣豪但知猛進不知勞詩人百傳字三萬講

院孤鐙一夜鈔

癸未春侍先公遊學武昌寓硯江漢書院適萬先生雲蓀將入都行笈攜有鈔本鄭

荔鄉詩人小傳兩册先公欲借鈔萬先生曰我以翌日午刻行奈何子曰午前送還可乎許之書凡百四十葉窮竟夜之力鈔之天未明畢矣走走五六里還書萬先生尚高臥未起也

鄧中鎮院觀場日是我雲程發軔時童試三師呼不起劇

憐無地可酬知

甲申春應縣試張筱珊縣尹以第一人送府李薌垣太守以第二人送院院試以第

一人取入縣學學使則項城高勉之先生也今三先生久作古人白髮門生追感故知但有實涕而已

四方自是男兒志伏處窮鄉豈丈夫負笈遠浮江海去無

妨小別馬滄湖

乙酉以來予館馬滄湖上深柳讀書堂從遊者漸眾以淺學抗顏為師殊自愧乃謝

遣生徒游學武昌時戊子四月也此予出門求師之始

經心講院劬書時辛苦鷓鴣借一枝竹勿先生我私淑但

評文字不稱師

雷學會垣寓硯經心書院院長為應山左

輒蒙錄取學稍稍進心甚感之然非親炙也

山川楚蜀三千里師友淵源四十年自是求才心若渴豈

徒文字作因緣

子初以黃州某卷應學使課列第一時學使為開縣趙翼之先生試黃州日亟覓此

人卷閱之大不類心怪之問劉聘之監院黃州某卷果何人作者劉曰不知也因問之則曰有溺苦於學者一人尚

未調院時以他卷應課黃州卷是否伊作則不可知學使固問姓名籍貫劉具告之及翌年庚寅學使試安郡經古

正場予皆第一隨調入經心肄業劉非不知黃州卷為子作莫測學使意向故閃爍其詞耳不知學使固陰欲物色

好學之士也其用意可感如此

愛讀人閱未見書欲尋軌轍總模糊江城問業譚夫子錫

我南鍼得徑途

壬辰春從譚復堂先生遊問讀書法先生日讀書須先有入手處最忌泛覽文章經

學均要從小學入手自創記頗覺有得力處

愧列雲山弟子行傷心師說久微茫卮言日出儒風歇怕

過菱湖舊講堂

鄧葆之先生分教兩湖書院以明體達用之學訓迪士子一時學者多信從之如傅

濟川師畏齋王季蕪姚平吾劉心齋饒竹蓀諸君子率握

衣聽講予亦幸列末座焉說者以為不減鵝湖鹿洞也自

後先生捐館同學星散校舍改章儒風陵替大亂作矣

東塾談經自有派遺書百卷費鑽摩梁楊門下稱私淑白

首無成愧再傳

治經宗陳東塾自後問業梁節庵楊敦甫兩先生益得飮聞東塾緒論平生所學頗

得力於陳氏惜年力就衰未能深造耳

場屋文章幸見收更蒙期許到經猷言猶在耳慚衰朽無

補時艱已白頭

丙申丁酉歲科兩試受常熟麗綱堂學使之知拔貢成均謁見之日甚蒙獎厲且日

幸自愛觀汝文字頗究心經世之學異日當以功名顯不徒科名中人而已今老矣百無一成慚懼不可言也

忍飢誦經遠九流蟲魚箋注苦爬搜讀書原是書生福占

斷菱湖十二秋

學宗安定是家傳並世梅莊相後先回首名場感知遇難

忘文字舊因緣

壬寅鄉舉出胡少卿先生棣華房癸卯會試出謝鏡虛先生遠涵房文字之感至老

不能忘也

白髮門生感故知春明門外淚如絲因緣文字銘心腑鎖

院春秋六座師

鄉試座師為寶先生熙沈先生曾桐會試座師為孫先生家鼎榮先生慶張先生英

麟徐先生會澧皆文字知己也

科名自古以人重人重科名古所羞入踏棘闈方入穀追

恩慈訓涕雙流

自乙酉至壬寅凡八應鄉舉矣先公訓曰得科名固可喜然我惟望汝為有用之學

行古人之行耳人果能有補世教有益家國科名將以人重人豈必以科名重哉今年已六十於世無補追惟先訓

真汗流浹背矣

每聞法語輒欣然大字書牆作策鞭庭誥百條親手校他

年容篡示兒編

童幼時先公時以為學作人之方殷殷誥

條雲謹庶饒衍擬編次付刻示一家子姓焉

觀政虞曹恥素餐鈞名容易稱名難一官匏繫閑無事時

覓殘書到冷攤

觀政工部政務稀簡推以簡編自

閩道黃金舊有臺儲材闕館向南開講廬勤篡知新錄太

僕寺街時往來

進士館在太僕寺街招集癸甲兩科進士入館講習政治法律雲與焉有進士館聽

講記

沈沈國病入膏肓耿耿元精久牯亡縱有良醫終束手空

勞海上覓仙方

丙午留學海東至戊申始內渡

說經敢詡腹便便聊述儒先啓後賢祇惜驅車出關去羣

經通義未成編

南皮相國創設優級師範學堂於京師延予講經學編纂講義未畢奉監理黑龍江

財政之命辭諸生而去

此腹空空無所有但藏劉晏理財書龍江小試層龍技三

載粗能裕庫儲

黑龍江歲入由度支司管理者僅庫平銀九十萬兩而已清理以後歲入乃達六百

萬歲出計六百五十萬兩核減為五百四十萬造送預算

以所餘六十萬列為預備金收支適足相抵天門中丞謂

予曰我守黑二年但知歲入九十萬不知有六百萬也非

子力任勞怨不至此予曰六百萬特清理所得之數而已

若加以整理數當倍之方著

手整理因調任吉林而罷

行鈔差同會子錢無源之水信難堅東人不識其中妙但

訝高低價太懸

江省廣信公司吉林永衡官錢局發行紙鈔甚夥予初抵吉江兩省即將未編號紙

鈔查封並商之主管者按照發行數籌足現金準備十之

四產業準備十之六以故三年之中價格無大漲落迨辛

亥撤局後紙幣濫發準備金任意提取遂至價格低落往

日銀一兩合紙鈔五六貫者今則需紙鈔四百餘貫其相

懸如往日何以增高今日  
何以低落東人初未之知也

纔見天光一線鋪漫空霏雨又模糊貪饒不管民膏竭空

暮區分兩稅書

在黑龍江有清理財政說明書又有劃分兩稅意見書預備整理稅務自入民國增

加苛稅極多不問國家地方盡飽私囊歲入  
頽形減少而予澈底改造辦法徒託空言矣

秋江鷗鳥本無心說到鸞飛意轉沈三載龍沙忙未了胡

爲僕僕又雞林

辛亥六月調任吉林監理財政官

襟喉南北殺胡口匹馬西來學抱關診得病源深似海起

衰祗販古時丹

歲壬子奉命監督殺虎口有整頓稅政條議有虎關樵稅記其整頓方法不過取銷

稅書額缺以清廉督率員司而已監督提成公費歲可四萬金呈請取銷歲支較預算數節省萬餘元呈請歸還國

庫皆他人所不肯爲者

身處脂膏焉可潤舉頭三尺有神明書生自凜冰霜操何



待書牆作座銘初到殺虎口銘座右云多藏可久耶利心

蓋自警之詞也

取民休使財源涸制用須知物力艱竭澤而漁天所厭要

藏餘富在民間癸丑長吉林國稅廳因紙幣價格低落收

定租稅之附收雜費如票底補平色之類一律剔除

雖紙幣改現增加歲入三百萬元以上而民不病

殘書賣卻買征驂載得妻孥返故山行李蕭然無長物淒

風冷雨過榆關甲寅八月解職內調旅囊羞澀幾不能成

行賣卻書籍車馬始得具資斧趁三等瓦

罐車挈妻孥奉老母還京

一身原可藏人海大隱何妨在帝鄉溷跡庶僚君莫笑郎

曹自古老馮唐由吉林抵京補財政部僉事

滔滔原不分清濁碌碌何從問短長敢道當官有成蹟庫

空聊試救貧方在財政部賦稅司職掌關稅事務定有關稅考成條例但就常關論往年歲入僅七

百萬元而已自條例施行後乃達千三百餘萬

賦稅紛歧民所苦亟謀整理政宜先我蝨議曹無寸補虛

糜廩粟已經年財政部設整理賦稅會議子與焉子建議以爲此事著手宜將國地兩稅詳細劃分

政府整理國稅各省宜設分所整理地方稅調查物價重定稅則改良徵收方法胥從根本解決庶有成效可言但

取包解主義則整理云云徒空言耳當局苦其難不能用也

大地富源在西北如何萬里盡寒荒籌邊果用移民策不

戰猶能固國防甲寅冬銜命赴察綏調查墾務往返凡四閱月有綏墾調查記八卷論墾務利弊畧

備

萬里窮邊生計微移民要使民如歸墾荒自是防邊策但

說豐財計總非乙卯春初自歸綏返命財政部派子總辦歸綏墾務予以部意專在籌款不在實邊

也力  
辭之

澄觀世變幾滄桑肯與時人競短長雞鶩胡為苦爭食寥

天一鶴已高翔

周濟之總長欲任子為財政部會計司長旋欲改任吉林財政廳長均被人齟齬而

罷予一笑置之不與較也

邊月荒涼古驛空嗟予行色太匆匆方隨旅雁歸京國又

策疲驢入晉中

既辭歸綏墨務總辦復派子專赴山西調查官產及菸酒狀況

西行詎願久淹留風急天高鴻雁秋為訪殘碑娛歲月羈

予三載客并州

到晉兩月即被山西菸酒公賣局長兼清理官產處長之命非意所願也山右多石

刻公餘之暇輒訪古碑自娛

須識今吾是故吾三年徵信有成書森然芒角君休怪收

斂神鋒寂若無

予權山西菸酒以清慎督率員司以漸進主義體恤商民在晉三年稅增而民不病

有山西徵信錄八卷丁巳六月晉督宣告獨立予卽電部  
辭職後晉督語人某辦理甚善財利絲毫不苟特鋒芒咄  
咄逼人耳予聞  
之一笑而已

霜雪欺人鬢已絲三年翻悔罷官遲歸來垂橐空無物祇  
有并門一卷詩

京國重開議政堂也曾逐隊入班行空言徒託終何補三  
載虛糜粟一囊

戊午被選爲  
國會議員

志挽頽流力不支崎嶇世路欲何之年逾六十猶如此便  
到期頤更可知

潛廬詩錄卷二終

從子世恩校錄

潛廬詩錄卷三

潛江甘鵬雲藥樵著

壬戌迄乙丑存詩四十五首附二首

泊園圖爲徐星槎題

壬戌

世事真如不繫舟  
雞蟲擾擾定何求  
羨君繫纜垂楊岸  
坐看滄江日夜流

遙指潛沱是我家  
胡爲垂老尙天涯  
歸來儻趁樵風便  
擬從君覓釣槎

寄吳筱瑞

閩海歸來賦遂初  
哦詩問竹足清娛  
行身早悟知非學  
繼

志勤蒐覺夢書

筱瑞先德潤邨先生著  
育覺夢集十六卷

嶺上寒梅偏耐冷  
山

房叢桂近何如君家有別業君家舊事關文獻願述遺聞

一起予

江漢篇壽寇息亭煜之母

江漢湯湯濫觴岷嶓滄海茫茫祭乃先河厥源孔遐流則

透迢解一寇有賢母遠山之孫遠山經師為道籬樊寇母承

之遂大寇門寇子學成遠有淵源解二世習脂韋滑如轂輶

寇子觥觥不肯右左素位而行枉道則叵寇子曰嘻吾母

詔我解三君公遠宦母乃作家遭歲洊饑詩書桑麻拯貧卹

孤族黨歎嗟古有女宗母其是耶解四我與寇子學相師友

告予將歸用介母壽作為此詩上侑尊酒下里巴人滋慚

瓦缶解五

難逃

難逃大地八千劫誰種梅花三萬株豈必西方皆樂土頗  
聞東國有遺書無端墮落人聞世胡不遊心太古初滄海  
桑田等閒事杞憂殘歎定何如

寄李殿丞參議求鄉先生朱石泉東浦集

癸亥

遺老飄零著作空可憐東浦久蒿蓬誰知飽歷紅羊劫猶  
有殘編出壁中

驚聞鄴架有藏編亦是文章香火緣不賴君家長護惜也  
應齷落付秋煙

前輩著書多苦辛忍令遺草久沈淪鄉邦文獻凋零盡闡  
發幽光要替人



殿丞書來乃朱劉合刻非東浦集也感賦一絕

豐城埋劍寧終閤象罔求珠或得之千里書來渾不似勞  
余空賦壁中詩

送蕭伯承南歸次留別韻

一卷離騷愁正則滿腔孤憤泣韓非橫流滄海天胡醉寥  
落吾徒君竟歸世局真同水東逝離懷遙逐雁南飛哲人  
都羨知機早祇惜清遊兩地違

囊書橐筆出西華棋局長安莫歎嗟吾道何妨在蟻蝨雄  
師終竟化蟲沙如遊酒國人皆醉爲訪桃源客到家我亦  
欲歸歸未得羨君門外有三車

原作

蕭延平 伯承

瓜摘黃臺蔓已稀長安棋局歎全非蒼天未飲常如醉  
玉霰知幾勸早歸霜鬢飽經邊月冷鄉心時共楚雲飛  
活人聊賣韓康藥燕市重來願不違

六年涸迹客京華無補時艱祇自嗟  
掉闔術卑蘇季子治安策愧賈長沙  
商山採藥期忘世粟皐歸田幸有家  
難得多情諸社友國門祖道送征車

### 讀節庵先生遺詩四首

著述滿家焚欲盡幸存鱗爪但遺詩  
淒涼心事憑誰訴訴與時人恐不知  
先生手書遺言云我生孤苦學無成就一切皆不刻今年燒了許多有燒不盡者見  
了再燒毋留一字在世上我心淒涼文字不能傳出也先  
生著述多不傳以此今僅存遺詩六卷沔陽盧評事弼所  
刻則焚燒未盡者耳

攀髯泣拜慕陵松種樹十年心萬重直將滄海無窮感寫入謳吟淚點紅

由來興廢關天意豈是臣愚有未知萬種深情人莫識葵

霜閣外獨吟時

與亡豈盡關天意自是臣愚有未知先生自責之詞也其心苦矣

海水羣飛萬劫愁陸沈何處問神州誰知巨浸滔天日猶

有孤舟障橫

去流聲

癸亥十月二十二日夜半夢驛道牆壁閒大書此詩既醒

纔忘數字而已往復數過乃得之

天道無言不可欺紛紛割據竟何為脂膏難飽貪狼腹佇

看煙消霧霽時

和張北牆

朝壻

甲子元日作次元韻

甲子

閒庭寂寂閉門深廿載京塵鬢髮侵春到何期逢歲首是日  
立詩成猶復抱冬心空山容老不材木大冶原無自躍金  
春

冷淡生涯吾久慣披茅求仲共招尋  
高卧蝸廬雪正深愁人肌骨苦寒侵羣龍飛動嗟無首老  
柏輪囷空有心當路誰爲天下雨窮居休問橐中金避秦  
欲覓桃源洞滿地荆榛何處尋

### 壽陳少石七十

遺愛猶留江漢閒海南歸去鬢毛斑聯吟汝社詩盈篋把  
臂新亭淚欲潛小築幽居對湖水何時尊酒話平山仙翁  
差喜身長健坐看浮雲日往還

### 壽合肥公

不柰嬴秦帝爛何將軍百戰定共和登壇誓掃彌天霧報  
國終揮返日戈砥柱橫流山有岳折衝尊俎海無波年來  
領畧閒居味贏得霜華滿鬢皤

不爲身謀不計功高懷猶見古人風九皇安在萬民貴三  
讓無稱四大空渴望神州奠南北如何朋黨各西東恩讐  
門戶須臾事定論千秋有至公

漢上雜詩十四首 乙丑

驚地塵霾鬱不開可憐無地起樓臺遊人競道春燈好羣  
逐飛蛾自往來 次韻覃肅秋百戲四絕句

萬綠無人百草枯哀哀鴻雁滿江湖殷勤欲覓桃源洞海  
上仙山果有無

灘頭漁父垂垂老閱盡江天煙雨春日暮  
棹舟楊柳岸津亭喚渡更無人

十年湖海氣銷磨惆悵吳孃一曲歌  
各有深情人莫識祇應流涕向山河

狂謀謬算挫榆關回首中原淚欲潛  
十萬健兒同日死容君拄笏看西山

紀事二絕句

英雄何用哭窮途天道由來有苑枯  
一夕無端心事湧輕舟飛過洞庭湖

曉日江城四扇開魚龍百戲起樓臺  
雙雙翠鳥巢珠樹愁絕孤鴻海上來

再次前韻送臚秋還京四首

河北健兒骨已枯可堪南過洞庭湖  
移薪曲突家常話爭

柰將軍聽若無

將軍籌策妙無倫  
占盡楚江梅柳春  
可惜神謀疏卧榻  
肯容駢睡到他人

腰無十萬劍橫磨  
孤負王郎斫地歌  
三疊陽關一杯酒  
送君策馬渡黃河

何來捧硯傾城姝  
卓筆居然對小姑  
慚愧漢皋添故事  
流傳紅袖侍書圖

無題四絕

無情白日堂堂去  
何處青山是故鄉  
可惜男兒好身手  
終宵祇爲看花忙

梨花細雨宜春院  
楊柳東風燕子樓  
聊假柔情銷壯志  
百憂應不到心頭

問我胡爲早挂冠羊腸九折路千盤老夫別有蒼茫感祇  
愛蕭閒不愛官

有鳥

有鳥有鳥踞庭樹中夜啾啾逐不去悲苦如泣慘如訴老  
婦心驚老農怒村人擲以五石瓠鳥如弗聞聒如故寒月  
蒼蒼籠煙霧夜半哭聲起庭戶不畏飢無粟不畏寒無袴  
但畏鳥聲嗚不住我聞鳥性毗於陰毀室取子利夜行晝  
則閉目跽伏常畏人一言告鳥鳥無嗔夜不能長天將明  
壽馬驥平同年次自壽韻

陸沈天醉日無光遼鶴歸來鬢未蒼讚佛仍留新著作哀  
時莫問舊冠裳悟來花影三生幻消受松風六月涼上壽



百年纔及半摩挲老眼看滄桑

泊園老人遺墨爲瑞石澄觀察題

本師宗北海

老人書法李邕

鎮院記中州

書在豫闡中作

留此數行字增

予千斛愁日斜廬止鵬星隕國無鳩白髮門生在潛然淚

暗流

老人新棄賓客

紀夢

有序

乙丑十月十六日夜夢與張友笙同步河濱友笙急遽登舟揚帆而去予倉皇四顧路無行人但見夕陽西沒大風揚波黑雲遮山落葉雨下覓舟不獲悵然而返枕上作詩紀之

臨河欲渡無舟楫四顧蒼茫可柰何落日遠隨飛鳥沒驚

濤更比亂山多九秋木葉蕭蕭下萬笏雲峰疊疊過息影  
荒齋清睡穩祇嗟無計懾羣魔

挽張友笙

有序

友笙予總角交也今年六十有五矣有操行能文章垂老  
不遇同輩惜之工畫梅蘭竹石不失板橋二樹矩亭家法  
草隸學完白亦入能品工詩善鼓琴金石之學尤所究心  
去年歲暮與予邂逅漢上把臂狂談不減少年時今秋聞  
君病痺旋小愈以爲可占毋藥矣不意遽捐賓客也予方  
編纂潛江貞石記郢中舊聞兩書君慨然任蒐訪之役而  
今已矣旦暮殺青安所就正耶失我良朋曷禁腹痛勉成  
挽詩用當楚些

去年同醉漢江月豪氣崢嶸老未除今歲抱疴阻潛水思  
君不見渺愁予勞生容有息肩日垂暮難忘求友初一葉  
扁舟去何速共誰商定篋中書

金石遺文太放紛勞君蒐集力辛勤語言伉直由天性心  
地清明掃俗氛至德可師思郭泰高才不遇哭劉蕡鄉邦  
文獻嗟零落祇惜無從訪舊聞

錄紀夢詩復得二絕

怕檢荒齋紀夢詩扁舟一葉定何之胡爲解纜匆匆去恐  
是河梁送別時

流傳書畫徧江濱歲月無多迹已陳可歎佳兒尙童幼收  
藏遺稿定何人

乙丑除夕

不才自分老幽潛趣舍何須問鄭詹世亂無妨身作苦心  
安差覺睡能甜青春背我堂堂去白髮欺人寸寸添數日  
城南看車馬東風慚愧上眉尖

眼看平陸成江海一片傷心淚點多馬勃牛溲皆有用鶴  
長鳧短果如何自甘癡鈍同聲叟且把功名付夢婆六十  
四年今日過可憐出處兩蹉跎

潛廬詩錄卷三終

甥劉民安校錄

潛廬詩錄卷四

潛江甘鵬雲藥樵著

丙寅存詩一百三十五首

元日試筆

丙寅

臘鼓聲中歲又更迂儒猶自擁書城  
杞憂嫠歎綠何事萋血騷魂浪得名  
敢信古人真不死可憐造物總無情  
兵戈滿地關天意空負書生涕淚橫

劉耒陽卻金帖香逴同年屬題

平生清節畏人知頗笑廣州吳隱之  
耿耿寸心對天地不

須更賦飲泉詩

帖有耒水證盟  
舉頭有神語

此心清似玉壺冰猶有袁歐舊典刑  
繼武前修真不愧耒

陽應有卻金亭

明袁大參國臣奉使楚藩餽金不受楚王為立卻金亭於大別山見漢陽舊志歐陽

主簿栢在德興計獲巨盜卻賞金助賑民義之為立卻金亭見明一統志

聞歌有感示覃嘯秋葉月舫

多謝吳娘唱惱公梅花一曲意千重傷心十五年閒事都

付迴腸盪氣中

再柬嘯秋月舫

明明枉自作天公莫救生靈劫萬重世事本來無可說平

陂都在不言中

盧慎之校書圖

車馬紛紛徧九衢人閒何處著潛夫杜門惟有盧評事黃

葉林中自校書

苦親鉛槧伴朝昏除卻收書懶出門深巷驅車何處去廟  
攤書藏海王村

抱經雅雨精讐校家學由來有徑塗若效南皮判家數固

應先後號三盧張文襄書目答問  
列有校勘學家

校刻遺書近若何豫章畿輔是先河網羅文獻剔幽隱比

較王胡功孰多彙刻一省叢書以王灝畿輔叢書胡思敬  
豫章叢書為最鉅慎之彙刻湖北先正遺

書及沔陽叢書已逾千卷其正謀刊印而未出  
者尙數千卷較胡王二氏有過之無不及也

蟲魚豈是平生志箋注聊為避世方良史陳斐要完補看

君盛業繼彭王彭文勤有五代史補注王葵園祭酒有兩  
漢書補注慎之近方網羅衆說為三國志

注補

陳秋谷秋江圖

雪廬寺采石

二



夜深促坐對銀缸語雜莊諧不厭唵門外是非誰管得看

君落筆寫秋江

是夕同彥稱干之禹生治薤菘初饌  
三秋谷集伏侯鼎楚室夜話甚樂

無情畫裏逗蒼孳疑在虛無縹緲閒我欲從之不可往紛

紛落葉滿空山

木落天高山更幽騷人何事浪悲秋四時惟有秋光好準

擬滄江買釣舟

巖居終日閉柴關輸與山家自在閒我欲避秦隔江水翻

從畫裏看秋山

無題

但說江流石不轉豈真滄海淚將枯如何頻問金錢卜不

見南中一紙書

綠嬌紅小可憐兒怕檢江城本事詩別有深情忘不得高樓夜雨侍書時

良會早知難再逢別離翻悔太匆匆燕南此日腸堪斷回首西園是夢中

感舊

世事遷流不可知重來翻悔半年遲衣香人影都非昔祇有江聲似舊時

壽竹勿老人八十

少小聞公名古人與頡頏稍長讀公文雄儷班揚學派  
溝漢宋門戶陋朱王菱湖開講院弟子粲成行兩齋紹湖  
學卓爲羣倫倡賤子但私淑恨未列門牆長公幸同籍許

我時登堂深談到閩奧辨義晰豪芒我欲耕六籍鹵莽石  
田荒得公肯湔祓榛穢成康莊我欲希三古力薄走且僵  
賴公作先導斷港得舟航一官當言路老筆挾風霜讜論  
定國是大義扶朝綱君子恃無恐羣邪驚遁藏倏忽市朝  
改秋鏐斂鋒鋌閒身隱人海冷眼看滄桑樊周作同調詩  
酒共徜徉祇今年八十神明猶聰強眉長腰腳健頭白雙  
瞳方真氣驚戶牖高談繞屋梁鯁生撰杖久益我殊無量  
暇輒記公語片紙動盈囊古人不可作思古徒皇皇公今  
幸巋然古道終未亡

次韻酬范雋丞

滿眼蒼生淚何心賦卜居好生天竟醉觀變術終疏憤憤

金隄蟻哀哀楚澤魚年荒貧自好敢歎出無車  
車灣決死者十餘萬

隽丞復以二詩見寄再疊前韻奉酬

何處尋求仲故人湖畔居心源良不隔蹤跡詎嫌疏閒放  
雲中鶴靜觀濠上魚散材天所棄無慮有徵車

爲我幾成俗吾哀揚子居人心都有障天網詎終疏齊噪  
千山鵲誰憐萬國魚陸沈恐難免猶自誚虛車

挽田伏侯

嶽嶽田夫子昂藏七尺軀投艱才未展憂國淚終枯楚士  
無遺行中山有謗書故人何處覓怕過黃公壚

平生精許學寢饋有專書小篆師三李長箋證二徐徵文  
覓唐本獵古到周初室邇人安在眞成腹痛餘

別君纔幾日詎料隔參辰迢遞燕中信艱危劫後身如何  
誤靈藥遽爾杯天民此別成終古空餘淚滿巾

僦屋

僦得屋三閒容吾自在閒意隨雲近遠影與月周還無客  
常懸榻尋詩且閉關休嫌居近市鍵戶卽深山

七月二十一日作

千里江流不浣暑一宵疏雨便成秋茫茫世路誰青眼草  
草勞人易白頭當戶好山如有約多情明月總無愁居貧  
已慣君休笑坐擁書城尙可侯

偶然作

世事眞如不繫舟東西南北任飄流舉棋胡竟無先著藥

室居然用道謀蠻觸紛爭已成俗雞蟲擾攘定何求紅羊  
浩劫關天運付與騷人浪自愁

書憤

世事無從問是非惟憑武力定從違南船北馬雞爭食暮  
楚朝秦鷁退飛豈有天高長此醉未聞戰勝果能肥書生  
空抱神州痛欲話澄清願力微

紀事

九月六日作

聞道南軍下岳陽森嚴幕府調兵忙金錢百萬民膏血博  
得將軍戰一場

渴望兵氛指日銷干戈所至市蕭條中宵忽有南來信大  
敵已過汀泗橋

武力摧強計總疏徒令戰血灑平蕪淒涼揚子江頭月照  
得將軍夢醒無

武昌江上一危城十萬居民正苦兵寄語將軍休困門天  
心原自愛蒼生

懷人詩三十八首

舊學衰微吾道孤椎輪大雅要人扶圍城坐困王夫子猶  
抱殘編自著書

王青垞館長

造物生才豈偶然明珠胡可抵深淵遺山詩句猶能記會  
有先生引鏡年

趙伯威廳丞

故人不見已三秋境過難忘是舊游記否宣南風雨夕一  
鐙相對泣神州

劉心齋觀察

安穩蒸牀坐欲穿林棲谷飲斷凡緣西山片石容高臥不  
踏京塵十五年

饒竹蓀太史

與子論交淡似水祇今頭白尙如新相逢不問榮枯事實  
語清言對故人

張瀚溪祕書

記否同遊明月湖西窗共話一鐙孤如何遠隔天南北不  
見江皋一紙書

楊少麓太史

煮書新有畫圖傳一片傷心垂橐編可恨無情漢江水勞  
君空擲買山錢

周退舟評事

史館栖遲今幾秋目營四海無全牛從容編纂官書了兀  
坐荒齋歎九流

李惺樵侍講

不謀青紫不菰蘆京邸歸來守故吾龍戰何從覓仁術勞



君校刻長桑書

蕭伯丞館長

三寸毛錐一藥囊佛心儒術道人裝祇今垂老頭如雪猶

踏街塵上講堂

尹仲韓孝廉

不管人閒百態新閉門真欲隔紅塵過江人物滔滔是誰

識窮山有逸民

傅濟川孝廉

一枕清風卧起遲無端憂國鬢成絲聞鳩亦是尋常事愁

絕先生諷諭詩

胡經庭拔貢

紛紛車馬徧長安輸與高人自在閒覆雨翻雲都不管杜

門謝客寫青山

賀履之郎中

經年不見張髯翁定有新詩滿篋中地北天南共明月可

能折簡寄飛鴻

張北翔祕書

學子莘莘盡好新鄉邦  
文獻久沈淪郢中舊事君能說  
祇

惜無從覓替人

李巽孚僉事

承祚良史可也簡勞君詮補裴松之拾遺亦是千秋業願

早殺青休後時

盧慎之評事

而今政局亂如麻備位公卿計總差與古爲徒君所願何

如重理舊生涯

張乾若總長

一夢遽然知止足現身說法見婆心果能破得人癥結卽

是無邊功德林

劉香遠道尹

西江文字蒐羅盡已付禮堂寫定無難得一家小兒女爲

君終日苦鈔書

黃申甫太守

穎拓張三有新法描摹石本可傳真藝林游戲開生面天

水風流待替人

張海若參議工穎拓趙獻甫之琛有穎拓漢王稚子闕見梁山舟頻羅庵集蓋穎拓

始之

高卧元龍百尺樓知君胸次有千秋長才可惜無人問北

馬南船汗漫遊

劉默存祕書

無端歸夢落江湖白首同尋退隱廬想得網羅文獻了鄉

邦圖志已成書

雷僧墨殿字兩大令

颶風吹皺楚江波記否花開對酒歌百戲魚龍滿衢市今

年更比去年多

覃孝方編纂客歲客漢上曾以百戲絕句見示

雲煙過眼萬緣空飄泊真如雪裏鴻萍聚仍留柔下戀催

詩敲斷五更鐘

王仁山林少旭兩廳長范雋丞監督姚身盒書記程十髮觀察李葆初郎中

晚歲覃精音韻學探微獨自闢宗風顧江苗段稱前輩流

派無妨有異同

傳漢志教授

熱血雄心有此公不謀榮利不言功年來空抱澄清願都  
在風塵奔走中

孔雯掀師長

一波纔動萬波隨覆雨翻雲變化奇兀坐荒齋看棋局囊  
中定有感秋詩

傅治菴次長

料得乾坤旋轉難飄然策蹇入廬山新詩百首談洪憲當  
作袁皇野史看

劉禹生議士有洪憲紀事詩百首

將軍仗劍鎮邊城萬里煙塵指顧清豎子害成君竟去歸  
來依舊一書生

陳士可將軍

布衣疏食古人風垂橐歸來萬事空莫怪書生多本色循

良政績在閩中

胡伯寅知事

志節平生不媿阿肯隨時俗逐流波一官匏繫非初願祇

爲鐙前兒女多

楊筱麓廳長

娛親能作嬰兒色承志居然在意先更喜著書多歲月煌

煌鹽志已成編

左席卿編卷

已了向平婚嫁願澹然自足更無求三閒小築堪娛老不

願人閒萬戶侯

沈澗乾僉事

西北馳驅天萬里歸來垂橐一錢無誰憐臣朔飢欲死霜

雪盈頭猶纂書

李平臣郎中

杜門羞作秋風客拙宦空嗟春夢婆白首不遷王主事但

將書卷慰蹉跎

王洪甫主事

來蘇誰解倒懸困滿地可憐鴻雁哀江漢遺黎要宜撫好

驅旌旆早歸來

蔣雨岩宣撫

家有藏碑三萬通，但編目錄亦堪雄。  
訪碑無用窮寰宇，盡在先生行笈中。

黃毅侯局長

讀史由來重紀年，手翻錢錄送華顛。  
願君竭力勤蒐訪，好纂燕南獲古編。

胡千之議士

丙寅中秋夜雨

武昌江上又秋風，粟鹿浮生歎轉蓬。  
把鏡何堪霜滿鬢，舉頭不見月當空。  
紛紛戎馬看棋局，莽莽乾坤著病翁。  
十萬遺黎飢欲死，傷心都在雨聲中。

續追憶詩六十首

丙寅秋八月  
客漢上作

舊有追憶詩五十首，自述生平殊嫌漏略未及示我友朋。

也丙寅秋仲羈滯漢皋戰雲彌漫南北隔絕旅居岑寂聊  
復續之嗟乎年華逝矣莫挽魯陽之戈故我依然不無桑  
下之戀雪鴻爪迹已去仍留炳燭餘光雖勤奚補回首昔  
游感慨係之矣

難忘侍坐傳經堂月影書聲伴晚涼昔時兒童今老大思

親不見淚浪浪

辛未年隨先公讀書傳經書院說詩臺月夜乘涼輒琅琅誦書先公講說不倦今五

十六年矣明月依然而先公不在痛也何如

兒時不共市兒嬉但縛枯枝掃雪泥歲月已隨流水去童

年心事轉淒迷

壬申冬天大雪羣兒聚嬉門外予則覓帚掃雪先公呵之日掃雪何爲者謹對曰便

行人耳先伯父蘭若公謂先公曰此兒好清潔有利人心可嘉也今垂老無成何利人之與有追憶往事徒滋愧耳

空庭夜雨執經時偶得新知樂不支垂老仍留桑下戀三

元古閣史公祠

幼從先伯父畏庵公受周易春秋左傳從  
蘭若公受尚書禮記先公則以四子書毛

詩周禮授之每一書畢輒爲心閱以爲另易  
一書可以增獲新知也蓋童時心光如此

說部生平喜王顧分時自課竟忘勞家貧頗恨無藏籍借

得遺書親手鈔

弱冠時讀書喜攷據從索雲舫先生借困  
學紀聞鈔之半年而畢嗣從黃蘊山先生

借顧氏日知錄亦擇要鈔之余稍  
識學問門徑頗得力於此兩書

木落雲愁風倒吹無端摧折紫荆枝咎徵歸罪三閒屋腸

斷先公馬磨詩

癸未秋九月弟銀殤形家謂由宅後磨屋  
傾倒所致予未敢信也先公有哀馬磨詩

載花隱老人遺著中

閉門笑讀古人書不識人閒有餓夫明月自來還自去蒼

茫古寺一燈孤

自武昌返里讀書史公祠輒  
終宵不寐不知所處之困也

叢集愆尤悔已遲年華逝水鬢成絲楹書庭詰都隳廢愧



讀江城誠子詩

讀書史公祠先公由武昌寄詩六十四韻示勸皆求學作人圭臬也今四十四年矣

十隳一守痛懼何已

卧病兼旬不出房百三十卷徧丹黃良醫無用求華扁遷

史真為卻病方

甲申秋自郢歸病幾死稍瘥則讀史記遣日不淡月點治畢病亦愈

舉比坐撤冷門牆一舸飄然下武昌回首依依留別地難

忘深柳讀書堂

戊子四月決計出門求師諸弟子殷殷挽留不可得乃鄭重而別為自己游學計致

負鄉里後進迄今思之猶歎然也

自古通經期致用過庭況復有家傳何期天與書生福容

我精學經世編

先公設教鄉里以通經致用之說訓迪多士予二十七歲始獲賀耦庚經世文編讀

之益得以窺見學術塗徑

家世由來重經術直從尼父沂文周羣言淆亂衷諸聖多

學何妨歎九流

歲庚寅江盛漲天久雨會垣大水經心講院亦就湮是時寓硯花隄治周秦諸子殆

徧

歐陽洪趙是先河金石專家遜國多著述未成人已老聊

將翠墨慰蹉跎

生平酷好碑版文字所收秦漢六朝以來打本不下數千通頗有意為金石跋尾因

循至今垂垂老矣書迄無成不勝失時之悔

壯歲學書翻悔遲秦碑漢刻苦摹追伊誰為我開先路並

世張楊兩大師

予幼嗜書苦無門徑後得包安吳藝舟雙楫始專心習之每日晨起懸腕臨古碑五

紙閱七年不閒乃稍有入處鄉先輩張濂亭楊鄰蘇兩先生以書名海內均胎源六朝自成一家予頗得其筆法面

目不必同也

文章流別苦道尋直泝八家到六經聽得濂亭傳緒論始

知鈐鍵在聲音

從濂亭先生問古文學先生謂說字以聲音為鈐鍵作文亦以聲音為鈐鍵也以此

讀古人文乃  
稍有悟入處

唐人疏易棄康成但述王韓傳後生施孟梁丘久零落誰

蒐古義到西京

王辰春治周易徧蒐西漢人遺說有西漢說易微存一卷

箋詩我愛康成氏大體宗毛有異同棄短從長費斟酌不

為墨守不讐訂

西漢微言經所重公羊學述幸成編祇愁異義張劉宋益

煽流風誤後賢

治春秋公羊傳有公羊學述二卷

良史不無言外意表微發伏要冥搜如何舉世宗錢趙讀

史都從文字求

治乙部書原從西莊竹江甌北入手後從譚先生游始從事表微之學

文章盛業經天下無物之言吁足羞可笑世人談派別強

分駢散劃鴻溝

文章鉅子汪容甫史學大師章會稽並世兩雄吾所愛雙峰高蹠萬山低

驅人歲月逝駸駸雪簷霜鈔不暫停比擬深寧吾豈敢紀

聞差不負分陰讀書菱湖有菱湖日記八卷

治亂由人休問天每聞師說輒潸然哲人自有知幾學無

用津橋聽杜鵑鄧先生講學菱湖一日論及治亂先生慨然曰不及廿年亂將作矣比人才闕乏滿

人尤甚身匪平後滿人無當路者故暫成中興之治近滿人漸起用不數年皆封疆也大亂之源基於此矣自後端

王當國毓賢任晉撫遂有拳匪之禍攝政王當國持鐵路國有致失人心及瑞澂督鄂棄城潛逃朝廷不肯治其罪

乃有革命之舉推原禍始皆滿人也先生之言驗矣

斟酌九流譚半厂皋牢百代鄧雲山傳鏡吾欲張師說祇

惜齷生願力孱

頗恥溝猶笑晉儒十年風雨卧菱湖同門諸子皆豪俊講

學不憂吾道孤肄業經心兩湖前後十一年相與為經訓

後有雷端甫王季薈趙伯威張瀚溪童憩南郭仲侯傅漢

庭相與為史鑑三通政典之學者初為屈子厚繼則饒竹

吾同為九流諸子之學者有鄭叔獻皆一時之雋也

鄂中質學久銷沈滄海橫流直到今浩劫難逃天竟醉白

頭翻悔負初心乙未歲與伯威季薈子厚叔獻端甫仲侯

講求經世之學湖北之有學會自此始近同

志大半徂謝存者惟伯威季薈與予而已

敢道文章憎命達但悲乖蹇負師期科名得失關何事垂

老難忘鍛翮時丁酉鄉試南皮師索閱湖院諸生闈藝予

棘後師以示主考黃先生紹箕黃稱善問誰作師曰此次  
落卷耳黃遽曰此文經術湛深果到眼豈有黜落者想房  
考未薦耳十二房考聞之均有不豫色然恐在已房也師  
見予慰藉再三且日予所期望子者不僅此願益懋所學

成就遠大區區科名得失不足計也子深感之  
今馬齒加長蹉跎如昔有負師訓愧何可言

宕往秋心不可收惟將冰雪勵清修平生溫飽非吾願十  
載菱湖一傲衰

大業千秋在一身浮名駒影不須論箴言起我膏肓疾垂

老難忘是此人

戊戌朝考報罷帥畏齋見語曰區區得失至微細不足較願愛惜有用之身商量千

秋之業心感之至今不忘

學術趨新舊弗存何堪回首望荆門記曾演說讀書法誰

覓神州故國魂

歲已亥客荆門山中頗有來問學者友人萬博泉劉繼三請子講說讀書法子爲纂

國學叢談一卷

無端廟算用神兵聚鐵九州鑄錯成曲突移薪言竟驗蒼

茫六合一書生

歲庚子北方義和團起當國者力主之子時客沙市歎曰禍始此矣撰有沙頭答問

專闢義和拳不可用用之必禍國荆沙官紳無一人肯予  
言者子曰但願子言不驗則國家之福後竟釀成聯軍入  
京之局不幸  
言而中矣

成人有道須崇實立足防礎不厭平講業自慚無術學但

將涑水迪諸生

歲辛丑設崇實學校於武昌  
以司馬溫公之學教授弟子

乾清門外臚傳日卽是當官叢責時庭詰森然有深意十

隳一守淚雙垂

癸卯捷南官先公寄書日仕宦者義務也  
非權利也既委贄於朝卽不得自謀其身

尸位素餐有罰篋簋不飭有刑上有國法下有清議入仕  
之初乃責備叢集之始非優游自得之日也今先公久棄

養雲亦幡然老矣追  
惟遺訓痛也如何

相期遠大有箴言知己由來勝感恩祇惜不才日衰老無

裨民物負師門

癸卯授官部曹南皮師見語日庶政不可  
不學願勵精政術博求掌故志其大者遠

者及丙午留學日本往謁師師日朝廷需才孔亟願學成  
歸國備國家用予蹉跎歲月白首無成追憶師訓徒呼負

負而已

涼馬臺空碑倒懸金湖遺蹟委荒煙笑談淨掃邊烽了羸

得閒居十五年

壬子冬驅車得勝口游涼馬臺弔方金湖尙書二首

破敵功成身竟退籌邊人去蹟空留著書了卻書生業腸

斷江邊大隱樓

大隱樓在嘉魚爲金湖著書處所著大隱樓集子爲重刻

窮邊莽莽雪花飛茂序將闕人未歸策馬黑河河畔路獨

尋青冢弔明妃

甲寅冬奉檄歸化城獨身踏雪走黑河弔青冢

曾從難老泉邊過碧玉清流遶晉祠別有會心真不遠固

應增我篋中詩

丙辰秋徐戟門道尹棨約游晉祠古栢參天泉水清泚滌我塵襟樂而忘返也

風峪藏碑字有棱寒風栗烈氣蕭森山靈不許凡夫到蝠

蝠撩人鬼撲燈

風峪在太原藏古碑百三十六通偕戟門訪之把火入風簌簌然火幾滅從者以火



繼之乃摩挲碑石而出  
所刻皆佛經蓋齊碑也

幸有阿琦可娛老如何棄我竟長徂淒涼身世都無恨祇

恨無人讀父書

次子世琦以丁巳十月病沒京邸

參戰歐西迹已陳無形能使國權伸三年空食太官粟此

事差堪告國民

備員國會通過參戰案此舉關係國權至鉅各國退還庚款華府會議得列席收回

青島及戰敗國租界皆參戰力也

國用誰將出入權八年預算幸成編但循天職非奇蹟絕

後空前十五年

共和建國十五年僅民八有預算

文襄祠廟鬱巍峩瞻拜遺容淚欲沱記取定庵詩句好報

恩如此疚心多

約同人創建張文襄公祠於京師背陰胡同祠成榜曰楚學精廬予日夕經理工程

不憚勞也

故人來作鄂民長我爲鄂民三歎呼膏澤未流君竟去勞

予遠寄活民書歲庚申友人夏仲膺任湖北省長致書勸其整頓吏治勤恤民隱仲膺不予非也不

三月君竟去職一紙書徒託空言矣

金隄潰決王家營漢沔天京半陸沈民政長官民所託流

亡坐視果何心隄決京山王家營省長劉某坐視不問旅京鄂人公推予與呂超伯沈澗乾蔡希聖

返鄂催築決口劉曰鳥從籌款者予憤然曰此事果非足下所應爲耶劉自知失言却日親來道歉并會議籌款辦法修築始有成議然亦煞費唇舌矣

予欲無言痛切膚諛何意到鄉間同舟義不容緘默詎

待君侯下聘書劉省長設財政會議聘予爲顧問卻之意謂予本鄂人有盡言之責不待有顧問頭

銜而後言也有致劉一書畧謂財政欲圖整理須先清理且詢及財務可疑者十數事劉得書不能答也

羣雄角立互爭雄空論焉能救國窮謀富縱然得商管紀

綱陵替總無功壬戌歲政府設財政會議黃膺白部長總其事分兩廳總務廳張岳軍主之議事廳

予主之予日國無紀綱欲財政整理不可得也此舉悉無成效不過提出議案可備將來參考耳後果如予言

我生最愛鄉先輩考獻徵文德不孤搜得遺書勤校刻平生同志有張盧與張潛若總長盧慎之評事約刻鄉先正遺書

潛陽老屋小如舟石墨盈車書汗牛可惜無人勤守護金

隄一決付洪流潛江老屋藏書十萬卷大半予手校者癸亥六月隄決謝家灣大水灌城盡付洪流

矣惜哉

買宅親題崇雅堂安排書冊架連牆丹黃逐卷勤編校是

我餘年卻老方質屋京師藏書二十萬卷額曰崇雅堂編有藏書目錄十二卷

先生終日坐園蒲料檢陳編伴故吾多謝故人秋谷叟殷

勤為作檢書圖纂有潛廬檢書記八卷陳秋谷同年為寫潛廬檢書圖

孤子驚聞失父書新詩吟罷淚將枯爲勞象罔殷勤覓一

夕終還合浦珠

抱先通議公遺著求樊山老人審定而亡之予大慟作詩寄老人老人大感動竭一

日夜之力竟覓得之先公遺著遂得刊布於世

滿屋文章盡散亡泰山流落一毫芒天公應是嫌無用故

遣六丁下取將

曾抱詩文百軸呈南皮師值督署火焚之矣其藏潛江三元閣者庚子被入盜去予

往龍江時稿篋存吳緩卿統制所及石莊之變其家被掠稿篋亦亡其在行篋者甲子旅漢日被盜而失之經此四

次散亡故存者無幾

綺語應遭秀鐵呵淒涼心事託微波滿腔家國無窮恨都

付吳孃蹋臂歌

潛水殘碑散失多遺文蒐得費摩挲文潛不作疊山死可

惜無人共網羅

乙丑秋蒐訪潛江碑刻爲潛江貞石記八卷鄉里同志可作將伯之助者惟張友笙

謝虎文耳墓有宿草思之黯然

潛人箸作久飄零賸有流風照汗青搜得書名勤箸錄叢

殘猶可補圖經蒐訪潛人箸述為潛江書微四卷

先正典型吾所愛偶談遺事齒生芬藏身人海閒無事寒

夜挑鐙述舊聞丙寅春蒐集潛江故事為潛江舊聞十二卷

江邊烽火照天紅避難紛紛市已空獨立蒼茫覓詩句不

知身在圍城中丙寅秋客漢上南軍攻武昌甚急居民多遷避予獨留惟以吟詠遣日

三史六經皆粟帛專精亦可潤身軀從今守約師曾氏不

讀人間未見書

孑然獨立眾人仇藐爾一齊羣楚咻舉世都隨風氣走可

憐無計挽橫流

不怨不尤但責躬無妨自號信天翁行身頗恥同流俗長  
在憂勤惕厲中

王戟髯示我下場吟次韻奉酬

曼倩長飢粟一囊誰知浩劫到紅羊愁雲滿地君休問荆  
楚由來古戰場

孤負無且一藥囊紛紛歧路歎亡羊驅車古柳斜陽外且  
看盲翁戲作場

拚將歲月付奚囊何用鑿碑學杜羊垂暮英雄髯似戟安  
能結客少年場

潛廬詩錄卷四終

邑後學劉其珂校錄

潛廬詩錄卷五

潛江甘鵬雲藥樵著

丁卯存詩六十三首附三首

丁卯正月二十二日漢上作

野性年來與懶宜但搜文獻倦題詩

丙寅十月迄今未作一詩時防俗

客門常掩爲簷遺聞睡總遲

方簷潛江舊聞

世上風波窮可避閒

中況味老方知澄觀天半雲舒卷守拙無妨號大癡

雜詩九首

天地失其度白日幻昏羅平陸成江河周道莽蒿萊黃鐘  
寂無聲瓦釜鳴驚雷貧夷廉盜跖是非日以乖嗟哉人心  
死化與狼與豺豺狼猶可制心死不復回人類慘將盡桃



源安在哉去去從此辭故都焉可懷

日中聚百貨道在通有無聖人因利導市政以權與虞廷  
粒烝民其原在化居周公致太平專官握市樞魚鹽管氏  
策貨殖馬遷書抑末爾何人千載謂迂儒果欲謀國是通  
商有前謨彼哉桑與孔市衢爲之枯

立國首農工古人有遺軌奈何謀國者所急不在此羣小  
造民意假以作傀儡密密布箝網齷齪吸人髓苛政猛於  
虎民命薄於紙欲避無可避待死而已矣忍痛呼蒼天天  
高如充耳造物胡不仁乃遺此禍水

毋謂民可愚一動不可止毋謂民可讐睽睽側目視周厲  
使監謗謗豈監可弭秦嚴偶語禁轉瞬陳吳起得民得其

心古今原一軌養民養其欲夷夏無異理奈何拂人性專  
制浪自喜侈口談自由譎言欺人耳

孔曰如之何佛言不可說哀哉無告民罹此八千劫天低  
可倚杵地棘不容轍民流已無家龍戰日流血絕聖讐風  
教潰防笮道德白晝入長夜人心變蛇蝎未能保軀命況  
敢問生業蹙蹙靡所騁誰云滄海闊

謂經聖糟粕寓言蓋十九警者噓其燄唾棄如芻狗老氏  
不尚賢息爭義有取奈何絕識知藉以愚黔首蠡蠹尙有  
毒匹夫不可狃胡爲舞小智一掌籠九有觀水觀其瀾觀  
物觀其後且復立斯須倚杖看南斗

乾坤不終毀孔氏作維綱人欲不橫流孔氏爲隄防大哉

孔氏功繫人道存亡織兒憐無知旣排百其方  
畜畜撼泰華可笑不自量中天懸日月赫赫照八荒  
妖蛇噓毒霧寧能遏其光適自取病耳日月庸何傷

天胡不悔禍羣魔日披猖鯨角事爭戰乃貽斯民殃  
誅求山海竭勞役農田荒剝民參健兒健兒仍飢腸  
萑苻徧原野伊誰問國防不國亦云慘倒懸焉可常  
劇憐良家子白骨委沙場一死鴻毛輕哀哉非國殤

兵旣雖云慘教衰乃鉅患世變日以新衰說浩千萬  
育才張獸性亡人等魚爛五經束高閣論語供炊爨  
遂臭蠅附羶果腹沙搏飯邪許拽維防洪流漫寓縣  
牛歌怨夜長雞鳴何時旦浩劫焉可逃天心未厭亂

日之夕矣四章章六句

日之夕矣烏烏倦飛心不遑安眷戀庭闈白頭倚門云胡不歸

日之夕矣雨雪紛紛老母戀兒襟有淚痕遠道伊阻忍曠晨昏

日之夕矣憂心孔多年華彈指湖海蹉跎事母之日苦短遠游奈何

日之夕矣朔風蕭索游子天涯高堂京洛客邸著書何如遄歸奉母之樂

漢上返京作

無端飄泊漢江邊夢裏家山各一天原擬窮鄉問耕稼豈

知寰海尙烽煙人情翻似秋雲薄政術驚同烈火然漫卷  
詩囊且歸去燕臺小別已經年

酬鄧北堂

方傳烽火靜三邊又見愁雲黯楚天氣惡祇知江有蜮民  
流誰料突無煙亡秦羣願隨陳涉霸越胡爲失計然奮筆  
著書吾豈敢強讐肝腎送餘年

次韻酬李惺樵侍講

史筆南狐第一流鯁生何幸託同舟英年百輩誰青眼京  
國重逢各白頭夜永渾忘鐙影瘦風狂不見客帆收咸陽  
早種阿房火何處仙源可避愁

喜藥樵自南來見過有作

李哲明 惺樵

滔滔江漢遂橫流風雨君能脫  
等身文字獨埋頭懷人情遠詩  
肯信故都蔥鬱氣桐摧颯急豈  
壽李巽孚僉事六十

文章風義有家傳舊業青箱二百年  
祖述先民宋文憲殫精樂府柳屯田  
中者舊傳諸書哀時遼海城頭鶴閱世銅  
繼志容君述作送華顛

示二孫永思永惕

爲學求自立最忌從風靡同俗逐  
有本末事各有終始致力昧後先

作世風日澆詭六經幸僅存與世作繩軌治法以時變大道終不毀小儒妄嗤黠衰言日蠹起但求學說新不恤人心死邪許摧維綱頑鈍蕩廉恥少年喜放誕趨如就下水瀾倒不可迴河清渺難俟人類慘將盡大亂何時已汝曹好讀書勤劬我所喜旁及九州外國學乃根柢要求心自得趨時良可鄙學術關治亂慎勿混朱紫嗟我日衰老詎能長教爾作詩當庭詰吾言止於此

爲學雖多途要從辨志始上下五千年歷歷布青史君子與小人瞭如掌可指人當童丱時蒙昧相等爾胡爲觀其成歧異乃若此良由受學初所懷各有以一則志道義一則志祿縉所志各不同所趨遂異軌志爲心所之有如東

流水欲往勢必達一動不可止君子行其道能令天下喜  
小人在高位蒼生禍曷已君子與小人祇爭一念耳一念  
關治亂豈徒判人鬼爲士先尙志孟說有深旨種棘則得  
棘種黍則得黍因果皆自爲而不係天只謂余言不信曷  
毋觀物理

和陳勉齋年丈病中感懷

泡幻人間世淒涼劫後身養生容小病多難幸長貧夢夢  
天胡醉哀哀地滿榛有家歸未得空憶故鄉莼

原作

陳福蔭 勉齋

家國俱無補昂藏愧此身病來方覺老苦慣轉忘貧天  
地容萍絮關山蔽莽榛秋聲風雨裏鄉思動鱸莼



答楊劭棻太史用來韻

石交從古悲離索一別俄經三十年綠鬢分攜今老矣白

頭相見各淒然驚心歲序如流水愁話同遊半冷煙

謂少渠子

厚雲門月舸墨

舊學衰微人事改不堪回首月湖邊

經心書院

舊在明月湖上爲我輩共學之地

次韻酬劭棻

還家清夢落沙湖澄澹心光片月孤嶺海歸來何所有一

肩行李五車書

少年奔走各江湖老大相逢德不孤遺子未儲千斛麥傳

家但有一牀書

鬼工含血滿湘湖風撼荆柯雁影孤千古覆盆千古恨是

非何日定爰書

十年定有焚坑禍四海焉知吾道孤一語告君君記取山崖屋壁早藏書

枕上

伏枕聞驟雨月黑天如漆橫風作雷吼奔濤撼牆壁柱梁動欲折束手心掉栗捲地瓦墮屋倉皇人雨立轉側夢初回驚魂頓蘇息明月照我牀周天星歷歷萬籟寂無聲但聞蟲唧唧頗幸夢非真一醒聊自適禍福本相倚吉凶原同域死灰伏生機平地有荆棘境遇亦何常視心爲道塞奈何浪憂喜心乃爲形役

再柬勉齋年丈

是我原非我茲身豈我身有生皆夢幻遑復計奢貧何地  
無芳草人心自莽榛季鷹胡不達乃憶故鄉莼

寧河張烈婦

張彭賢寧河人繼妻于名鼎貞居同縣有賢聲廿五嫁廿  
七寡中夜思之淚盈把結髮事君子同室纔二年方期白  
頭偕老胡竟失所天郎有四方志遠作金陵客望郎郎不  
歸令妾肝腸寸斷絕郎豈忘歸郎病日危驚讀郎書妾淚  
欲枯匆匆南來侍郎疾毆逐二豎終無術無可奈何呼蒼  
天剖股藥郎郎弗痊妾身之肉不延年郎死妾復何戀焉  
閉閣寫遺書北望別翁姑上言孝未盡下託三遺孤遺孤  
稚齒乃無父母妾書至此妾心瘁矣哭奠殯宮就義從容

後夫死五日仰藥而終五城十二樓笑躡雙鸞蹤時維甲子六月八日日方中天容黯慘鄰罷春聞者感歎涕無從  
萬年苦竹萬壑松貞心勁節天所鍾勸存永作世磨礱詩成拂拂來清風

北堂五疊然字韻見寄依韻和之

愁看幻變人間世莫問瞢騰醉後天故籍埋頭已芻狗繁  
花過眼總雲煙羣倫安得心無競兩大難逃道自然虞夏  
黃農久荒渺不堪追憶漢唐年

秋日雜感

上天本好生五兵利人死殺人以爲之民命如螻蟻後世  
器彌精蚩尤乃禍始五帝代有國蚩尤斬不祀作偏天所

絕孟說良有以誅殘爲弔民闕牆義胡取利器助私門慘禍何時已問佛佛無靈問天天不語

五兵雖不仁未若邪說毒兵僅戕人身民命未全蹙邪說戕人心心死地沈陸聖人塞亂源正本厚風俗風俗苦澆訛百年養不足嗟哉教化衰紀綱頓傾仆邪說盈天下從風靡萬族禮義潰大防人形而禽犢世無孟子車萬劫恐不復

北里諸少年與我比鄰居胸藏殺人術慣讀非聖書昌言均貧富不復問情劬均產猶自可乃欲混賢愚旁睨人所  
有攫奪罄錙銖父母與兄弟薪刈俾無餘小人恥獨爲頗  
憂同調孤醜金募徒黨流毒及我閭我族詎無人乃爲金

所驅貨財迷本性不恤變其初開門倡畸說蔑古貶先儒  
童幼懵無知遂如鼓應桴聞風坐相說舉足不踟躕自毒  
原自取胡爲毒我家我家好子弟不幸爲人奴豈直爲人  
奴盲從殺其軀良師不易得童子竟何辜悔與蛇虺鄰擲  
筆三歎吁

鬪牆古豈無同力禦外侮不以疏閒親寧容客奪主今人  
有兄弟動輒生齟齬仇不共戴天聞聲氣虎虎時操同室  
戈憤爭尺寸土詎無東西鄰胡不一勸沮此中有陰謀交  
識焉能觀彼此各仇讐用智寧用武且觀爭鷸蚌不自把  
蕭斧愚哉此兄弟謂鄰良我侶第知鄰我助不知鄰我蠱  
江河日趨下門亦不如古

暮行河隄上一老泣路隅借問何所苦欲語心酸悲自言  
百無能但能事耕鋤百計覓田主幸得備傭奴朝夕伴田  
隴時與耕牛俱赤日汗被體寒風冰墮膚惟恐農田荒不  
復計勞劬遑敢有奢望所望長相依作苦博傭錢藉以活  
妻孥頗謂盡心力今已十年餘忽復易田主不問人飽飢  
但說傭人多人多糜歲儲歲儲焉可糜太半驅逐之驅逐  
隨田主安敢有異詞傭錢眼底血何久不給爲八口飢無  
食一身窮無歸恐作溝中瘠不覺雙淚垂我聞三歎息世  
變乃至斯有勞中道棄用人毋乃私老人且勿悲佇看冰

消時

竹勿老人挽詞

裴說張三墨卮言溷八儒學風日趨下夫子竟長徂蒿目

斯文喪驚心吾道孤橋邊水鳴咽惆悵話菱湖菱湖上經心書院為

老人講學之所

慈聖垂簾日先生在柏臺避人驄馬瘦落膽繡衣來直諫

荆湖盛悲歌山木墮不堪談往事颯颯朔風哀光緒中鄂人在諫垣

均以敢言著聲洪右臣高理丞屠梅君吳心陔張次珊諸先生均前沒存者獨老人耳今老人又棄賓客遺老盡矣

眼底新朝市塵中舊隱居樊周作同調詩酒且相於道在

猶存古人亡莫問途天琴留碩果灑淚話秦餘老人與樊山泊園均

以頌德者年為鄉人所矜式推為楚中三老今惟樊山巋然獨存

飄然脫塵網了了見仙根五老朝臨榻八鷗夜擁門生天

來有自作傳墨無痕絕筆驚題語哭私淚暗吞老人薨留之際謂家



人日有五老人迺我車馬已到門我將去矣言畢而逝先  
數日索紙筆甚急日我有一事未了久許爲高理老作傳  
言可食耶寫畢以稿付長公曰吾事了矣老輩毋欺之學  
不以死生而異如此惟筆迹模糊可辨識識者纔數行耳讀  
者惜之雲七月間以詩稿請審定蒙題詞二三  
百言距易簣之時纔二十餘日耳蓋絕筆也

讀楊筱麓獄中詩依韻和之兼柬劬棗惺樵

嗟哉博浪竟無椎賸有娥江孝女碑陽剝豈真天憤憤道

高難免窺睢雖危身小試椒山膽正氣遙傳信國詩青史

至公原不爽崎嶇我爲世途悲

筱麓女公子上書當道  
陳情甚哀以此得出獄

南昌熊氏兒有夙慧五歲善書能騎馬以病殤其父述陶

哭之慟寫臨池騎馬二圖索詩

天上原來有羲獻偶然遊戲落人閒神龍鱗爪無人識當

作曩華一現看

臨池圖

長侍玉皇香案前塵中胡忍見烽煙匆匆策馬朝天去小

謫人間已五年

騎馬圖

挽饒苾僧

一別城南纔兩載誰知再會竟無緣何堪孤對西山月記  
否同浮北海船回首昔游都似夢傷心遺稿未成編眼前  
多少難平事豈是因君獨泣然

青蓋匆匆再入都胸中感喟竟何如憂危枉獻匡時策有

者既逐東海謀迎黃陂復位君懲武人專橫勸黃閉戶爭

波不應通電廢督裁兵黃陂頌然之不果行也傳卻聘書君息影津門蘇督請君秦豈無人謀不用楚原

能霸勢終孤君痛鄂省淪陷主張鄂人可憐鄉國蕭條甚

莽莽泉臺瞑目無

興元詔下三軍泣太白星高四野愁難得仁言彌禹甸其  
如兵氣滿神州文章有幸酬知己滄海無從挽橫去流大  
難未夷君不作捉刀空負立牀頭

天涯游子歸來日歷盡千山與萬山正好閉門修淨土胡  
為殉母棄人間不知蘇武生還樂誰道王戎死孝難君豈  
無心人莫識匆匆匹馬向榆關

廣濟饒烈婦

大地陸沈三綱解紐問今是何世乃有烈婦解一烈婦伊誰

吳其姓嬾其名字浣紗世世楚將家生小貌如花突被豈

風吹墮淪落天涯解二適有天幸遭遇饒子能令公喜解三饒

子曰嘻是有坤德欲求室之副舍此女胡擇解四執巾事君

子自謂得所歸奈何鬼伯相催促中道棄我爲解五榆關榆

關羊腸百盤嗟哉行路難解六君有心妾不知君不歸妾心

悲悲哉悲哉風雲變色東望路漫漫使妾肝腸斷絕解七噩

夢無端君不生還君不生還君竟生還解八生還生還豈曰

非天胡因哭母而凋其年解九君妾所天君乃殉母妾失所

天妾身何有願從君地下魂魄相守解十十二入君門十六

奉箕帚廿六共君死徒呼負負解十一一匕之藥妾志畢矣

豈無愛女妾不遑恤矣解十二吁嗟乎滄海橫流顛波靡權

譎相傾利爲市背主事讐反掌耳可哀莫大於心死天地

正氣終不毀奈何獨鍾一女子鐵中錚錚賴有此留與澆

俗作繩軌解十三

紫竹行爲劉香遠作

紫竹成林青翠森森離象審音語

足者誰吁其可悲

二解

知足不辱也

柱下氏之戒也

三解

胡不懲乎乃終日

而勞其生乎

四解

其微其微今是昨非

淵淵知命樂天夢登落伽之顛紫竹

遠其還

六解

行年六十矣閉關掃軌言

遭勲名浙水胡棄若脫屣劉侯曰

在吾心吾心所向神監臨寧忘我

身如是我聞吁嗟乎世人知進而

丁卯臘月八日枕上作

是日陽歷歲盡

頽波東逝箭離弦兩覆雲翻又一年何日彌天消毒霧可  
憐舉國欲狂泉陽衰草木能爲祟世亂文章不值錢井里  
蕭條成盜藪羈人無計賦歸田

示三女世玲

八歲嬌小女頗好弄紙筆懸肘書八分居然有筆力挾書  
入學堂勤劬無曠日識字雖不多亦頗知講習放學偶歸  
來橐橐走耶室進門索梨棗依依繞耶膝聽耶講故事惟  
恐耶言畢長共耶笑語惟恐耶不憚攔門牽耶衣惟恐耶  
外出一聞耶有言應聲不待卒愛汝有至性憐汝秉慧質  
我生多憂患見汝輒消釋我年日以衰閉門長寂寂有汝  
侍左右亦可娛朝夕世人重生男生女或悃悃不能慰親

心生男竟何益

息園偶書

消息無須問卜龜自家寒暖自家知  
閱中歲月書千裘皮裏陽秋筆一枝  
喜共故人商舊稿時從卧榻覓新詩  
嘔心文字成何用可奈春蠶未盡絲

柬劭菴依來韻

獨抱遺經似織簾九流仙佛愧難兼  
讀書有味真忘老論世持平不喜嚴  
事業已空惟志在精神漸減祇愁添  
故人攜手欣猶健無那相看雪滿髯

原作

楊介康 劭菴

又報鄉音入戶簾國憂家患一身兼  
未教酒興愁來減

敢謂詩裁晚更嚴  
歲暮差無餘  
病擾冬烘不覺二毛添

白慚早負澄清志  
卻憶將軍舊紫髯

臘月二十一日夢屈厚子趙伯威

厚子逝世十七年矣

江漢游蹤久闊疏  
夢中相遇在菱湖  
論文不覺山河改  
聚首渾忘生死殊  
安得挑鎧傾肺腑  
可能引鏡照頭顱  
懷人豈獨傷離別  
舊學荒涼吾道孤

贈李惺樵

夫子金閨彥  
栖栖竟白頭  
觀書眼如月

舊句

垂老氣橫秋  
詞

客厲樊榭清才王  
夢樓瓜廬成小隱  
何處問瀛洲

流傳新著作  
祖述五千言  
守黑宗儒術  
思玄證道源  
居先天所忌  
善下學之根  
真諦君能得  
誰窺窺妙門



前朝有國史吾子著勲多執筆含霜雪直書不唯阿空銜  
精衛石莫返魯陽戈蒿目風趨下幽憂近若何

盛時不可再鎮日作詩囚三古資漁獵百家勤校讐憫忠  
賡楚些玩世逐齊優一事真堪羨壙簾迭唱酬

丁卯除日懷趙伯威

山川隔南北斷絕故人書不畏寒侵骨空餘雪滿顱烽煙  
暗吳楚離亂各江湖一紙遙相問猶能引鏡無

昔日同門友惟君獨擅場擊經宗許鄭把筆儼班揚絕學  
窮今古殘碑訪漢唐不堪談往事腸斷抱冰堂

難忘歲己酉相聚在龍沙未雨亭邊月寒江雪後槎興安  
山內外羅刹路橫斜君抱神州痛臨風一歎嗟

議院伍羣流籌謀到十洲方期民有鵠豈料國無鳩鍊石  
終何補墜天空抱憂寒潮水嗚咽辛苦託同舟  
長才不獲騁風雨閉門居莊蝶空成夢焦蝸何處廬魔高  
天倚杵陰長鬼盈車誼士守寒餓爲君三歎吁

除夕

夜長天不明風雨暗神京爭戰無南北親朋半死生殘年  
今夕盡大亂幾時平烽火驚心慣怕聽爆竹聲

潛廬詩錄卷五終

孫永思校錄

潛廬詩錄卷六

潛江甘鵬雲藥樵著

戊辰迄庚午存詩六十三首

春感

戊辰

萬物自流金石止本來魚鳥各飛沈  
井觀無怪談天小酒美何須慮巷深  
老樹槎枒有春氣寒花哀豔抱冬心  
層冰未解龍蛇蟄安得芭蕉數尺陰

出匣昆吾秋水光躊躇幾見善刀藏  
坐看鷓蚌爭晴雨到底鶴覺誰短長  
足捷祇知同逐鹿路歧豈料早亡羊  
健兒盡化蟲沙去一闕魯鄒羞國殤

觀漁竭澤魚蝦盡把火燒山草木殫  
狡兔巧營三窟計寃

禽難覓一枝安若非皮在毛焉附豈有脣亡齒不寒大水  
載舟舟覆水莫教江海起波瀾

滔滔舉世歸楊墨落落無人識鳳鸞豈必馮河眞弗溺未  
聞嗜蓼果能甘呼朋爭欲持牛耳自毒居然食馬肝但說  
知新不温故爲師在自讀湯盤

楚澤行吟辨濁清是非毋乃太分明斷無丹鳳爭雞食寧  
有黃鐘羨缶鳴盜跖稱廉夷自溷鴻毛旣重鼎應輕茫茫  
今古一邱貉論事何須更不平

匹夫懷璧都成罪客子囊金何處家象竟焚身緣有齒鼠  
能穿屋豈無牙空儲高廩千鍾粟學種青門五色瓜盜賊  
縱橫富民盡瘡痍滿目祇長嗟

夢中作

正月十三夜夢至一處榜曰葵霜閣或指曰此梁文忠公  
栖隱處也遂入謁公披衣起示以陶器數事及辭出大水  
不可行公以蒲席予之曰持此可渡以浮於水安穩不亞  
舟筏也作詩八句既醒所忘纔數字耳乃足成之

葵霜閣中人欲眠葵霜閣外水拍天拾取片席作舟筏居  
然夜半臨深淵亂流真不須雙槳一葦猶能障百川立命  
安身果何在履冰墜谷心惛惛

立春日感賦

海有奔濤井亦波茫茫天道竟如何窮兵到處成墟落投  
柄伊誰倒太阿且看膠船浮漢水可能畚土塞黃河春來

不見春容色但見愁雲疊疊過

武昌喜遇王青垞

依然談笑吐長虹抵掌幾如隔世逢回首神州滿荆棘傷  
心吾道竟蒿蓬深宵不盡尊前話禿鬢驚看劫後容遼鶴  
歸來人事改空餘江漢水淙淙

世事真成一夢過那堪相對泣銅駝親朋湖海音書少戎  
馬關山涕淚多國脈可能留一綫學風畢竟誤三科皇天  
悔禍非無意叵耐人心幻變何

由來吾道在江湖不爲窮愁始著書儘仗心光收汗馬劇  
憐才子失童烏儒先豈必流風盡老學終嗟同調孤大海  
迴瀾果何日無妨作論號潛夫

題通城胡成齋

大集

詩卷

庚午

橐筆隨軺類轉蓬  
燕南趙北楚西東  
雕鏤肝腎覓奇句  
都在長途風雨中

堂堂楚國眞男子  
肯以雕蟲誤壯夫  
濁世祇堪憐麴蘖  
好詩多半抱江湖

夢趙伯威

遙隔路千重  
相逢在夢中  
鬚眉宛如昨  
事業總成空  
狂怪羞諧俗  
文章不救窮  
襄陽耆舊盡  
何處哭秋風

追憶歸來日  
難忘引鏡年  
有才天亦妒  
無命世誰憐  
枉草三千牘  
空謀二頃田  
夜臺良不惡  
寢海正烽煙

聞黃毅侯以勦匪咸寧殉難詩以弔之



人孰不有死奈何死賊手牧民有天職誓不容羣醜寧與賊同盡不共賊俱生一死焉足惜所嗟賊未平

所懷百未展遽化萋宏血氣數不可爭難挽紅羊劫兒女口猶黃衰親頭已白朔風正怒號天地助悲咽

花園

哀我花園赤黨蔓延將軍兵來歡聲如雷解一何物姪女工

倚門將軍一見蕩心魂解二風馳電邁赤黨作怪大呼繳械

官兵雌伏不敢動將軍正赴陽臺夢解三吾去矣汝醒旃豎

子不足齒吾劍放汝生還跨上雕鞍武裝桓桓豔說青樓

好尋歡誰知姪女是偵探解四

二老哀

白頭二老相向哭語不成聲淚斷續借問二老何所苦欲  
言未言身瑟縮愛兒如掌珠望眼淚欲枯頗聞海西教法  
好萬里求學英倫島不恤老身窮且孤但盼學成歸來光  
大我門閭歸來矣性改常罵我老傖天性豺狼早知不認  
耶與娘翻悔當初送學堂

焦桐清陰館圖爲張廬老人題

故人遠別五千里白頭相見江城裏手持焦桐清陰圖殷  
勤邀我作題語別後情況那可說同遭世變淚盈眦幾回  
把筆欲題詩悲從中來輒復止鵲巢竟被鴟鳶奪況逢二  
豎鬪不已料得經年無好懷濁酒難銷胸塊壘百不如意  
人所嗟豈知有道殊不爾至人獨立萬物先處逆祇如風

過耳人間寵辱總不驚惟用道力自砥己展君圖畫見君  
心知君題榜有深旨焚餘果使本根在終見清陰覆書几  
借喻焦桐託興微胸次廣博浩無涖海上歸來貌加豐學  
道有得真可喜我亦藉悟理盈虧君之益我良多矣劫來  
無處不荆榛杞人憂天果何以

怪風行

怪風吹倒老松樹雲鶴歸來巢無處夜半哀鳴慘如訴嗟  
哉風伯何不仁攪海翻江愁煞人天公憤憤如弗聞搔首  
問天公我聞汝是萬物宗覆冒羣生汝所職胡令原陸起  
蛇龍蛇龍所經百怪從噓喻毒雲煽腥風磨牙嚙人人類  
空汝胡不知類癡聾汝德稱好生汝心號仁愛坐視血成

河下民將何賴  
溺職毋乃玷高位  
天不能言以臆對天非  
不厭亂無奈人心幻亦願  
百物生人頭竟畜鳴活劫  
都由人心造殺氣彌漫相  
感召百六陽九劫三千人  
不自挽天無權天作孽猶  
可追人作孽劫應之患氣  
應劫生羣魔以殺召殺可  
奈何羣魔不死殺運不止  
爲猿爲鶴爲蟲沙君子小  
人同盡矣劫運之來關氣  
數烏可測以福善禍淫之  
常理君不見崑岡一炬飛  
煙塵良玉乃與石同焚

鄂中謠

自古歌謠大都起於閭井  
蓋孤臣孽子勞人思婦憂  
生念亂愁腸鬱結無可奈  
何遂不覺矢口成音耳不  
必盡出學士大夫之手也  
丙丁以來鄂中慘罹荼毒  
時有謠諺流傳

里巷閒語雖不文其意激其思沈其詞怨而不怒予聞而  
 悲之以為後有采風者必不遺乎此遂傳而錄之凡三十  
 二章烏乎民間痛苦身受者固能自道之特苦無從籲訴  
 耳安得父母斯民者一動其惻隱之懷也

食為民天民乃無天米貴如珠斗萬錢鍾祥潛江一帶斗

萬錢何處覓求一飽不可得力竭心殫啼飢號寒世上無

如吃飯難米如珠

食鹽豈可一日缺無奈稅重疊珍貴如金玉使我心惻惻

權鹽定率百抽三奈何加到千二百鹽百斤成本一元徵稅十二元求不

淡食焉可得加鹽稅

民力竭矣苛徵不已竭藥民生民困欲死困欲死天不管

月納稅捐不可緩

民力竭

貪吏貪如狼苛政猛於虎科我附加捐乃倍田賦五附捐  
附捐正賦同完法令如天焉敢惜我苦辛錢得過且過寧  
忍飢餓莫惹殃禍

附加捐

聞加工資樂不可支工資加多失業奈何失業失業不能  
自活孰救我窮孰飽我飢八口嗷嗷使我心悲加資加資  
何如當初未加時

加工資

現金集中莫問金融商旅裹足道路不通可憐人民資產  
飄蕩如飛蓬現金現金集中如林集中何處不翼而去

現金集中

抵制外貨一唱百和唱和聲高外貨暢銷外貨暢銷國民

病可憐國貨無人問 抵制外貨

提倡國貨國所急祇愁微利無處覓利微利微稅捐如麻  
資本無多奈稅捐何 提倡國貨

莫走長途謹防拉夫拉夫猶可長繩繫我赫赫霸王鞭驅  
上逆風船欲逃不得逃可憐白骨葬波濤 拉夫

官倡捕蠅會科我捕蠅捐警士日追呼斂我百萬錢百萬  
百萬銷歸何處蠅飛如故 捕蠅會

短衣窄袖誰氏子不肯耕田守鄉里倉皇應募入軍伍一  
戰暴骨沙場裏哀哉愚民愚乃爲私鬥死 死私鬥

木蘭果是女中豪武裝皮帶緊纏腰灰布裹腿腰掛刀英  
氣廕廕男女混淆並肩同行道路中旁觀莫辨誰雌雄 女

武裝

短短髮如鴟尾短短裙不揜腿大姑頰而長小姑纔扶牀  
趨風醉若狂羣效風流時世妝

時世妝

生活程度胡高昂至此而加稅不已稅捐日增物價飛騰  
生計無多生活奈何

物價高

禁煙科稅並行不悖禁煙去民毒科稅裕財源各有官司  
各職權不異特稅苛但畏吏人四面相遮羅謂我干厲禁  
攬土入官可奈何籠貨走楚蜀納稅十逾六滿望博微利  
藉以供餽粥誰知煙土是禁物

保特商

販私土黠如鼠闖關過氣虎虎資三百萬利倍五適從何  
來大腹賈將軍發其私罄數入官府方議充軍儲豈知中



有主中有主將軍焉能用其武于嗟乎私土

販私土

爲商苦不如走官府商之利利什一官之利利仟佰仟佰

仟佰藉官漁獵昔日窮措大今日富敵國

走官府

民兵民所蓄兵至民魚肉戎裝闖然來紛紛據我屋我屋

渠渠鵲巢鳩居何處著妻孥速去速去倉皇走避託足無

地兵兮兵兮使我流離安用民兵爲

估民房

築路何必直如弦腰橐纍纍百萬錢錢通神權在我彎如

弓無不可

之字路

吾儕小民乃爲盜所苦縱橫六十八縣何處是樂土滿山

滿澤殺人如麻欲去無所欲歸無家挈妻負子躑躅荒野

熒熒四顧誰予助者

何處是樂土

土匪來土匪來禦匪之人安在哉掠人而去號令如雷罄  
產不得贖白骨成灰逃死不能黨匪不可豈無司牧天平  
棄我土匪來

紅軍紅軍呼嘯成羣窟穴農村白晝撲城田我田磔我人  
哀我小民不能一日以生孰援我溺孰救我焚忍痛呼蒼  
天天如弗聞紅軍來

紅軍去官軍來藉口清鄉括民財肆威煽虐逐戶搜索小  
民財罄盡兵士滿腰藥樂國何處尋去去不得活官軍來

攻紅湖寇西遁遺寇所至城遭屠室廬蕩盡田園空人民  
同在流離中將軍告捷方論功攻紅湖

大風揚沙載鬼一車有田無田有家無家我妻孰妻我兒

孰兒散走四方骨肉瓜離誰實爲之使我至斯

避匪禍

縣長逃團防走紅軍到城不守小民何罪疊遭災大水纔  
消匪又來迫我入紅黨設官主刑賞祇恐無人民不愁無

縣長

縣長逃

赤黨橫行逐戶書名從之乎後患方長逆之乎目前有禍

殃躑躅躑躅進退惟谷

書名冊

鄉民逃死逃無處官家催築民權路速折當街屋防觸長  
官怒顧名思義民何權忍淚吞聲不敢言

民權路

市官日增多市場日蕭索蕭索難忍何堪敲剝苦我商民  
困踣不自存哭訴無門

興市政

鄉民避難扶携到漢取逾二十萬市官查戶口忻然語僚

友成效昭然君知否興市政發軔耳市民之繁乃如此市  
民繁

衰說不死大亂不止經教不明禽獸橫行謬種流傳如蠅  
趨羶吁嗟乎青年哀青年

誰謂法不良善政煌煌布滿街牆奈何民無知熟視若無  
覩但訴所遭之苦

九月九日待社諸老約登奧略樓分韻得下字

廿年不到奧略樓歲月駸駸如奔馬往事已隨流水去今  
日重來淚盈把憶昔冰相鎮武昌默運神謀奠區夏宏開  
講院育英才國故新知一鑑冶掃除秕政噓清風要使斯  
民安田野嗟哉我公不可作往蹟淪亡無在者活國計畫

銷除盡有如飄風墮簷瓦矯首四顧何茫茫滿目瘡痍足  
悲哆到處青紗瘴成煙昔日黃巾今變赭率獸食人人相  
食無辜羣死刀鋤下生者欲逃何處逃躑躅荒原孤獨寡  
羅剎鬼國昔所聞何意而今徧鄉社登樓觸我思古痛悲  
從中來筆難寫作詩聊述斯民哀有淚如泉無處灑座客  
勸我且歡飲惻惻何心共杯斝明明在上胡弗聞口不敢  
言吾欲啞

九月十九日大風雨與同社諸老重登奧略樓爲展重九  
之會分韻得賢字

我生何所愛愛此秋光妍秋心不可刪逢秋輒留連故人  
謀良聚期我鵠山巔鵠山展重九我聞頗忻然策杖渡江

來江空秋雨懸秋雨沾我衣秋風阻我前淫潦漫山路路  
滑防蹶顛上山不百步艱困如登天天豈真倚杵嗟予老  
且孱我老不足惜惜此垂暮年暮年何日月終古此山川  
黃鶴去不返遺構委荒煙益陽昔撫鄂仁聲萬口傳山頭  
有祠廟而今無一椽誰歟繼芳躅南皮相後先求才心若  
渴大道獨身肩愛民隱民窮煩苛一一蠲田野安耕鑿子  
衿樂誦絃頑梗隨所化萬里靖戈鋌四民各得所羣誦使  
君賢去今二十載鸞鳳變鷹鷂奧略樓空存流風何渺焉  
所見無故物令我心悵悵故人知我者勸我且隨緣人生  
不滿百藐爾若蝓蠅行樂須及時何用苦熬煎海有時成  
田山有時成淵陰陽相倚伏剝復本循環好花不長好明

月不長圓河難盡土塞海豈木可填憂時徒自苦捩劫天  
無權何如剝蟹螯銜杯稱醉仙醉眼看黃花黃花笑欲嬌  
玉山頽自好萬事無望牽慘慘夜唳烏哀哀蜀江鵑何如  
學海鷗忘機沙上眠舉手謝故人感君意纏綿頓開我茅  
塞俾我褊心捐醒眼望蒼冥煙雨門嬋娟恨我不能酒有  
如箝在咽醉仙未可學且參文字禪座中皆老蒼相與擊  
吟筴坐雨玩秋色妙理悟飛鳶撚髭覓奇句遑問世屯適  
老兵不曉事沓來戶欲穿高歌震屋瓦轟飲聲喧闐敗興  
等催租推敲不成篇興盡焉可留振衣各言旋薄暮下山  
去雲影踏星躔夜黑江流急風高浪打船舟人皆失色我  
意轉安恬善下老守黑耽寂揚草玄無人不自得安命我

所便忠信涉波濤心定神自全萬物逐波流何如金石堅  
金石止不轉逐流何時還瞬息登彼岸道岸非無邊澄懷  
觀大化莫使本性遷

夏靈兩軍長凱旋招集鄂中父老飲湖上園賞菊

將軍伐謀強敵摧壯士長驅奏凱回鄂中父老歡如雷將  
軍有容度恢恢欲修文德銷劫灰喜共父老相追陪湖上  
園林菊正開邀集耆舊傾尊罍笑指黃花勸銜杯主賓歡  
然不肯推帶醉索詩擊鉢催莊諧雜沓聲喧底詩不能成  
醉忘歸譁然大笑玉山頽黃花萬本湖之隈閉門寂寂無  
人窺自甘冷淡伍蒿萊何心相賞到于鬚欺人霜髮白皚  
皚看花恐被黃花哈厖客謂我太諧談寧有朝陽無夕暉



好少何必人皆孩歎老嗟衰胡爲哉將軍敬老潑新醅和平可期此初胎若非大地銷氛靈焉能一堂聚鄒枚我聞此語心徘徊不覺觸我斯民哀嗟吾老矣不願材但願吾民登春臺哀哀鄉縣窟狼豺磨牙吮血骨成堆蕩垢滌瑕要策才吾民翹望將軍來

滋陽湖懷賀文忠公分韻得滿字

板蕩崇禎末世運日乖蹇國病入膏肓糜爛及腸腕良醫終束手而況無和緩義馭不可迴昏黃日將晚崎嶇不可行艱如車走阪戡亂要有人非人國瘁殄卜甌五十相嗟哉席未暖靜民苦無術一動不可挽流寇徧中原張李尤慄悍巨患貽養癰宵人寄專閩疆臣擁兼圻一籌莫能展

兇鋒獠而狂長驅下川陝荆襄俄殘破江漢遭屠翦生民  
無孑遺殺戮到雞犬峩峩武昌城摧枯不用撼賀相方家  
居夙志盟心版自傷生不辰逢此天黯黮如翁貽僧衣反  
之淚欲潛我自有我法感君意良腆朝宁空無人忠臣自  
有膽一死報高皇勇往無不敢沈身墩子湖耿耿臣心哉  
鑿舫從湘纍一往不復返全家殉國難忠孝兩無忝我來  
湖上遊湖水清且淺表忠有豐碑披讀剔苔蘚俯仰懷古  
人蒼茫生百感世宙古猶今大道豈可反奈何羶奇衰不  
復問忠審豺虎肆橫行攫人恣饒噉噫吁行路難寸步皆  
窘坎闖獻禍雖酷未若今日慘人類薪將盡天心胡不轉  
我欲問天公劫運何時滿

漢上有高樓

漢上有高樓突兀壓江流樓中何所有博塞雜歌謳衛士  
巖門關朱輪塞路陬吳姬抱琵琶越女彈箜篌綠嬌翻舞  
袖紅小囀歌喉尊疊傾美醞水陸羅珍饈一擲百萬輕豪  
富埒王侯借問主人誰位高無與儔持節冠百僚開府古  
荊州將軍與牧伯偕來共嬉遊末座大腹賈揮金相綢繆  
歡樂惜日短管絃夜不休豈知寇披猖流民徧道周

節庵先生手寫詩冊范吉六屬題

夫子竟長徂大道日湮塞述作付飛灰流播惟風節文字  
原鱗爪雲深隱無迹及門徧網羅纔得詩兩冊此外無一  
字求之不可得何幸石湖翁示我以遺墨展卷快披讀驚

動我心魄荒寒梁格莊

末署甲寅閏五月寫於梁格莊

近傍西陵側慘慘

傷心地哀哀臣力竭淒涼種樹廬酷毒紅羊劫周厲何山  
川義熙何歲月滄海已東枯白日俄西沒孤淚灑青豆苦  
心託黃檗槁項甘窮餓堅礪心如鐵已自了生死遑問世  
机隄幽恨結芳詞字字鶻啼血讀公詩數行增我愁千疊  
祇今失人師何從問塗轍所喜典型存心源良不隔猛憶  
前年春宵寒天欲雪夢過葵霜閣摳衣入請謁歡然共我  
語相對中情熱示我古陶器朴遼黯無色頗稱舊物良新  
者脆易缺拜辭出門去大水連天黑欲渡無舟楫望洋心  
惻惻喚取蒲席來謂可大川涉布席洪流上穩如舟一葉  
夢境雖云幻中心常篆結片言有深意菱識焉能測低頭

轉自疑難免人笑啞蕉鹿槐安蟻鬩爭方劇烈我胡學癡  
人說夢繼莊蝶把筆待刪除躊躇未忍決直諒石湖翁謂  
我拘而拙此夢非偶然無庸費辭說杖履親未能形神如  
可接曷毋書卷端藉藉齊諧闕感翁意拳拳誨我何諄切  
擲筆再三歎不盡我嗚咽

大言

科頭赤手捕長鯨長鯨瑟縮噤無聲披髮入山射猛虎猛  
虎踞伏如鼯鼠步躡天闔不用梯手摘星辰北斗低入海  
夜踏老蛟背探珠不待驪龍睡誰謂天高九萬里天高距  
地不盈咫誰謂大塊大無比大塊渺然一芥子拔刀割取  
乖龍耳鞭撻風雷供驅使巨索長鉤釣六鯨坤輿傾側翻

波濤拋擲革囊囊日月收拾光明彌天黑茫茫塵海浪浮  
空地天同在混沌中蕉鹿槐蟻萬千闕顛倒眾生皆夢夢  
夢耶醒耶非所知請君讀我大言詩

挽劉香遠

自是漢陽文獻宗可憐世變太匆匆少年曾學萬人敵老  
去懸知四大空耽寂惟期脫塵堞哀時翻悔作英雄平生  
悟道從何悟盡在伽山一夢中

涉足波濤如履平全憑忠信與天爭狂風穩渡湘江險介  
節差同浙水清腹有詩書惟仗佛胸藏韜略不談兵黃壚  
猶在人何在訪舊驚呼淚暗傾

庚午除夕偶書

頌新都取封侯去何事揚雲獨草玄莽莽乾坤原逆旅茫茫今古總雲烟空溫綠螳尊中酒敢問紅羊劫後天七十老翁真憤憤不知今夕是殘年

潛廬詩錄卷六終

孫永惇校錄